


INGAMU INHĒLŪLE

 Ndaga ugwe, Nkundwe Neville. Iki kyo luko lumo lwa i—i kiswigo kwa une. Une ngābagisēnie ukuya apa umwisyugu. Loli, ikilo iki kyo kilo kya mugonesyo, kangi une—kangi une ndinkwinogona une ngugwīla ngamo ulubunju ulu. Kangi une ndinkukōlela u Nkundwe Neville, kangi umwene alinkuti, “Ena, lilino, linga ugwe kwisa ukusuluka,” alinkuti, “nongwa ya fiki itolo yoba kwa uswe pakayabo kanini?”

² Kangi une ndinkwinogona, ena, linga une nālīsile ukusuluka pasi, kangi fyaali fyakubombigwa, une āngāli ndikulumbilila mma, lōli mbagile itolo ukulōnda ukuyoba ku kipānga pa kabalilo kanīni pa nōngwa isi, umwe mumēnye, isi u ngwīnogōna syābagile ukukasya ikipānga.

³ Uswe itolo tufumile pakugomokēla ukufuma kubwītu—ukufuma kubwītu ubwēnda bwa kufwīma kwa kabalilo kākugwīsyā-māni, abakundwe na une, apa, kangi uswe twāli na kabalilo akālwmīko. Uswe—uswe tukupalisya fiyo, twesa ba uswe twisusigwe, kangi—kangi twāli ni nyama yītu iyi uswe twafwimaga. Kangi—kangi u ntimi gwītu na une tumēnye inyāma ya mbabala yo fiyo, fiyo nnunu. Kangi popāpo uswe twāli ni mbabala yimo innunu. Kangi une nāli ni kīndingo ni mbabala sibili. Kangi uswe tulinkugomokako.

⁴ Kangi aka kabagisenie ukuya kabalilo aka une ngulōndigwa ukuyoba pa Fūngilo ihano-na-ibili sila isyabumalikisyo. Kangi abēne bakākitēndike i kipanga kitēndekīsye. Kangi kilipo ikindukimo, kikukwābila kunyuma, iki kitēndike ikyēne. Ikyo, une ngwinogona a kāya kakutupa uswe injila ya magengelemia, panongwa ya kusita kuya nu fwāsi yakufwāna ukubīkapo amagali kuli bu bwīngi bwa bāndu ubu uswe tuli...ubu i kipānga kisakukola.

⁵ Uswe tukulōnda i kipānga ikipyā kibīkīgwepo apa, kangi uswe tuli nakyō ikiyabo ikinunu ikya hela sitalile sipāguligwe, kangi—kangi ukupela i—i kipanga ikinywāmupo. Lōli akabalilo kākō uswe twāli ni mbombelo isi, fiki, umwe mukupilikisya iki ikylene kili. Ikyene kyo kindu kipelakisa. Abāndu bali mukusyūngūtīla ifibūmba, panja mu fula, kangi—kangi—kangi ikylene kyo itolo kinyali. Kangi kōpe ukulōndesy’ubusobi kukwīsa ukufuma ku bīnāngu ba une. Alinkuti, “Nkundwe Branham, kikuboneka ngati abene...” Dokotala mwinangu gwa une, alinkuti, “Kéta ngati ugwe ubagile ukwāga u buyo bumo.” Alinkuti, “Une ngwīpilika ubusulumanie, bo abēne ukukilania ukukīnda.”

⁶ U nāsi yumo ikwisa kwa une, alinkuti, “Fiki, une nīsīle pala ulubunju lumo pa sala ya buhano. Ugwe gwabagile ukuyapo

pala...” Kangi alinkuti, “Abandu batalile bībūnganiàga ukusyungutila ikipanga kila pasi pala, pa sala ya buhano ndubunju. Ugwe gwayaga pakuyako kula pa sala ya lwele-nayimo-na-sinda.” Polelo, muketile, kangi ikylene kikupela ikylene ukuya kikafu.

⁷ Kangi uswe tukulonda i kipanga iki kili ni fwasi yimo, kangi kũko aligwesa abagĩle ukwitugasya pási. Kangi uswe tukwinogona uswe tukwitugasya mmasiku ga bumalikiyo, tukwitika ikyo. Ukuti kũko i...Uswe tukufĩmbilisiĩgwa ukumanyisya i Kipanga isya—isyā—isyā findu ifi, ifi fikubũmba mōsa, ifindu ifi fisololigwe, fimo mwa ifyene, maelifu ga fyinja. Kangi kuli kifuki fiyo fyinja malongo-mabili-na-fihano kangi malongo matatu, kulakula ukufuma ku kipanga iki, iki kisololigwe, kikubonekaga. Kangi lilino uswe tulinakyo ikylene ukwisa palapala ukuboneka. Popāpo uswe tukulōndĩgwa ukuti tupelege ubupya-kangi ifindu ifi, lōli uswe tukaya nabo ubuyo bwākufwāna. Popāpo ulubunju ulu. . .

⁸ Une ngutendekesyaga ubukōlelo bwangu ni findu, mmayolo, kangi une ndinasyo simo isyakongelelapo ukutendeka, pamusi apa, na fyosa. Kangi polelo une nāli na bāndu bamo aba bālōndāga ukwisa muno, u mwĩnitu unganigwa unkeke, uyu itolo yo abongotwike mundepa, u ndumbilili nkũndwe nkibānja. Kangi bĩngipo bo lula, kangi u nkũndwe ukufuma ku Norway. Kangi—kangi uswe twāli ni nyāngālo innĩni kunyuma ku kyũmba kyākũnyũma. Kangi une ndinkuti, “Ena, lilino, uswe tukukatilaga itolo panja.”

⁹ Kangi Nkundwe Neville alinkuti, “Mulimōsa, uswe āngāli tukusōka pānja nukuyoba amasyu amanini ukukasya i Kipānga ikinĩni.” I kyākwa- . . .

¹⁰ Kimo mwa findu fyakwanda ifi une ngulonda ukuyoba. Une nāsimbile i findu fimo apa pa kalatasi, ifi, akabalilo kako une nisaga ku kipanga, une nālondaga ukuyoba. Ikindu kimokyēne une nāsimbile apa kyāli kyākufwāna nu kukilānia kwa Nkundwe Taylor akabalilo kako uswe twāsōkilēpo.

¹¹ Nkundwe Taylor ĩsāga ku kipanga iki ku fyĩnja ni fyĩnja. Twēsa ba uswe twālimmenye umwēne, une nsisimikiyo. Lōli lĩnga babagĩle ukuyapo abahēsya ba, o apa, ikyēne kyāli yula umpala unkāngāle unnyāmbāla uyu akabalilo kōsa ākwāgĩle ugwe ikikota, ukukwikāsya pási. Nkundwe Taylor, akabalilo akābumalikiyo une nālĩmbwēne umwēne, mpaka une ngumbona umwēne u ndumiana unkeke, umwene alimile pala pa kifigo ukufwana i Milũngu mitatu pamo mina igi gikindilepo. Umwene alinkuti, “Une ngulonda ukuya na mabuku gamo, Nkundwe Branham. Une ngulonda ukuyabania amabuku aga.” Polelo uswe, umwene. . .

¹² Iki une ngupilikisya, umwene ali ni mbungo ya syuga kangi alinkubuka mu kusilika, kangi akābombile. . .kisita kumanya

umwene ali ni mbungo ya syuga. Kangi—kangi āli . . . Umwene āfwīle. Umwēne akāfwilēmo siku. Umwēne itolo ābūkīle ukuya na Ntwa Yeso.

¹³ Kangi umwēne āli nsūbiligwa, nkundwe nnūnu, akabalilo kōsa īnogonelāga isya bāndu bāngi. Kangi ubwīkyēle bwāke bwāli u kugela ukummwāgila umunduyumo u buyo ukwītūgāsya pāsi, akabalilo kāko abēne bikwīsa ku kipānga. Kangi umwe mumenye, lumo, akabalilo kako uswe tukukilania kula ku Kipīnge, ngimba ikyene kitisakuyaga kinunu ukumbona Nkundwe Taylor kula, ukutwāgila uswe ubuyo ubwakwitugasya pāsi, ku lubafu ulungi?

¹⁴ Une ngwīnogōna, mu lukūmbusyo lwa Nkundwe Taylor . . . Une ngāli apa ukuyoba ikyene nu Nkundwe Neville, pafwa yake, loli une ngulonda ukuyoba i lisyu lya kupalisya kwangu, ku mfwilwe gwake. Kalumbu Taylor, une ngusakikisya, ali apa pabuyobumo ulubunju ulu, nsaya umwene indumbula yāke insubiligwa!

¹⁵ Nkundwe Taylor, ilisiku limo umwēne āyobile, “Isaga kuno kangi usāngēte une. Une ndinayo u sūmbi unnini akūmbigwe pamwanya pala, mbīkilēmo iswi simo mu mwēne, popāpo ugwe ubagile ukwīsa kuno nu kulob’iswi.” Akabalilo kōsa gwākūwīnogonēla u munduyumo uyūngi. Kangi pala ālipo u Munduyumo āli gwākūwīnogonēla isya umwēne, yula āli Kristi, ukumpa umwēne ubupoki.

¹⁶ Une ngwīnogona, mu lukumbusyo, pōpe, panongwa ya kipanga iki, bo ikyēne kikubūngania ukuya mbili ulubunju ulu, unko uswe twīme palikimo, twinamisye imitu gyitu pankyeni pa Kyala.

¹⁷ Gwītu Gwakumwānya Tāta, uswe bo bāndu ba būndu ulubūnju ulu, kangi aba—aba bikwīsa ku buyo ubu ubwa bwīpūti. . . Ikiboko kyako ikikulumba kyēndile pakati pa uswe kangi kyēgile ukufuma kwa uswe yumo mwa bakundwe bītu abapala ūyu uswe tunganile, kangi tumenye ukuti Ugwe gwāngānile umwēne. Kangi Ugwe gwāli ni nongwa kuli fyosa ifi, Ntwa, pamo ikyene angali kikabombigwa mu njila iyi, bo tumenye ukuti i Bangeli lyitu likutubula uswe, ukuti, “Ifindu fyosa fikubombela palikimo ku bununu ku bene aba bāngānile Kyala.” Kangi ikyo umwene aabombile.

¹⁸ Kangi uswe tukukelengania, nkisu, kangi uswe tukukyaga ikipeligwa mu njila yiliyosa ukuyoba kwa uswe, ukuti ilipumba likabagila ukunkola umwene, namanga pa kisu umwēne ābōmbile imbōmbo iyi Ugwe gwālīntumīle umwēne ukubōmba. Umwēne āli nnunu, nkūndwe unsūbiligwa.

¹⁹ Uswe tukwaga ukuti m’būmi bwa būmi bwa fimela, kangi mbumi bwa lisuba ili likufyuka pa lubunju ukutupa uswe ulumuli. Kangi pakatikati pa lisiku iliyēne likuya pa bukusi bwa pakati. Kangi polelo namayolo iliyene likufwa kangi, kwene

kukusyuka kangu ulubunju ulukonge, lipūpwàno kangu ilipya, panongwa yakuti ilyene lyābombela imbombo ya Kyala.

²⁰ Uswe tukukēta amaluba bo agēne gikuya-nubulēnge nu kumogesya i kīsu nukunosya imiyūmba gya nīfwa, kangu amabuyo ga bwēgi, kangu gikubōmba i mbombo; ukwīgūla mōsa indūmbūla yāke nu kupa pānja, fyaitolo, u lūki ku njuki, kangu u lūmo ku nkīsanie, bumogi ku ndōndēsī. Likupa fyosa ilyēne lilinakyo, mu bubōmbelo bwa Kyala, polelo ilyene likwinama untu gwake unnini. Lōli akabalilo ka bulēnge kakwīsa ukusyūngūtila, ilyēne likufyūka kangu, panongwa yakuti ilyēne libōmbile imbombo ya Kyala.

²¹ Polelo mu kisyo kya kipeligwa kyosa, kangu i Bangeli, ulufingo, kangu u Mbepo Mwikemo, uswe tubagile nubuhobofu mu ndūmbūla syītu, ukumanya ukuti u Nkundwe Taylor, yōpe, Ntwa, ābōmbile imbombo ya Kyala. Kangu ukuyoba ukuti umwēne atisakusyūka kāngi kubagile ukuya kukāna i Bāngēli lītu, Kyala gwītu, ni findu fyosa ifi Kyala atupēle uswe ukukētako, ukumanya ukuti bulipo u busyūke. Polelo uswe tukugūlila akabalilo kāko uswe twisakumbona umwene kangu, akabalilo kāko umwēne yo nkeke kangu nkafu kangu nasiku kangu mma ukuya mbine pamo ukuya nkāngāle.

²² Saya unkasi gwāke umpala, yula unsūbiligwa unnīne gwa umwēne. Mūmo fikuti uswe twisakwisūka abēne, butali, Ntwa, bo uswe tukukēta abēne bikubūka palikimo ku kitubwi, nukwītūgāsya pa tukota utunini panja pala, bikulob'iswi, kangu bikuyoba, kangu mūmo abēne bāli nalōli banyafundumbula palikimo.

²³ Kangu lilino uswe tumenye ukuti lilipo i Lisiku ilikulumba ili likwisa, akabalilo kāko a bakalyōto ba lwītiko bisakukūya pāsi pa ikikulumba ikibūmba kya bupōnjolo, kangu a Bāndūmi ba . . . ni ngobelo bisakwisusya mu mbepo. Uswe twisakubabona abēne kangu mbuyo bula.

²⁴ Mpaka akabalilo kala, Ntwa, tupapo uswe ubukifu. Sayaga uswe nukututula uswe. Uswe twisa nubutali kwīsūka Nkundwe Taylor, na aligwēsa uyu ikwisa ku kipānga iki, bo umwēne imāga ku kifigo nu kubwāga ubuyo kuli umwīse ukupilika i Lisyu lya Kyala, ukwītūgāsya pāsi mbupepe kangu ubutūsyo.

²⁵ Iisiku limo akabalilo kāko umwene ākindaga, Ntwa, une nālīputīle ukuti u Gwandumi unkulumba gwa Kyala ālimile pala pa kifigo, ukummwagila umwene ubuyo, yōpe, Ntwa, kangu umwene ābagile ukwitugasya pāsi. Kabuno ukwēne kusīmbigwe mu i Bāngēli, “A bākisa bisakukaba i kisa.” Mpaka uswe tukumbona umwene, Ntwa, ingumbusyo inyafu silikīndililāga mu ndumbula syitu, mpaka ilisiku limo akabalilo kako uswe tukwagana kangu mu Kīsu ikingi. Ukwisila mu Ngamu ya Yeso Kristi uswe tukusuma ikyene. Ameni.

²⁶ Umwene isakusyūkigwàgwa pakati pa uswe na pakati pa bahēsyā, na fyosa bo ifyo, aba bikwīsa ku kipanga kyītu, pamo inyumba yitu apa, ukwiputa. Umoyo gwake guli tūsyāga ndutengano pankyēni pa Kyala, mpaka Ilisiku lila.

²⁷ Ilisiku limo, nūswē, aligwesa gwa uswe isakubūkāga, yumomwēne na yumoywēne, mpaka uswe tukusatukāga pāsi pa lukīndi ngati lula. Unko uswe lilino, akabalilo kako uswe tuli na kabalilo, kangi tubagīle, unko uswe twitendekesyēge twibene ku kabalilo kala kakwīsa; kabuno uswe tukamanya mo ndili akēne kisakuyaga. Uswe tukamanya yo ywāni ikuyaga nkōnge. Unko uswe tuyege nu bumi bo ulo, ukuti pisiku lililyosa, ukuti linga ikylene kibagilēmo siku ukwīsa, ikylene kisa kuyaga kwa uswe, uswe tukwitendekesyaga.

²⁸ Lilino, une ngulonda ukutēndēka ifumusyo. Lilino, lululu ulu, lumo, pamo, une ngāngalapo na bakyūngafyūma ukufuma pāpo ngomokelege, ukufwana nu bwitugasye bwa nyumba i—i kipānga apa, pamo iki uswe tukufimbilisigwa ukubomba ikyakukonga, ukwega ikipanga kyitu ukuti uswe tuyege nu lukomano lwitu. Polelo une ngukindililaga, nhobokela une, ni—ni Fūngilo Ihano-na-ibili, kangi polelo i Nyāngābia Ihano-na-ibili, kangi ifīndu fīngi ififikāli ifi uswe tubagīle ukufikamo, itolo mbibimbibi.

²⁹ Kangi lilino, ulubunju lwa Ndungu ugu gukwīsa, pala, une nguyaga pa Elizabethtown, Kentucky, nu Nkundwe L. G. Hoover, ku—ku bubombelo bwa lusayilo. Kangi ikyo kyo kusayila i kipānga ikipyā, pamo ikipānga iki abēne būlūle ku Elizabethtown, Kentucky. Palapala pāsi 62 mpaka ugwe kwīsa ku Elizabethtown, pamo palapala pāsi, une ngusanusya, 31, pamo pāsi pa busanukilo. Itolo ku busyūmbutukilo, kakukwēgēla ugwe ku Elizabethtown. Ikyēne kyo kifuki isala yimo. Ikyene kyo ukufwana mamailosi malongo-matatu-namahano, amamailosi malongo-mana pāsi pala. Une ngwinogona, ukufwana mamailosi malongo mana, ukwisila mu njila i . . . ilya 31, kangi ukufwana amamailosi malongo-matatu-namahano, pamo ikindukimo, injila iyīngi, ukusuluka ukwisila pa busanukilo. Iyēne yili pa Lukindi Mulberry.

³⁰ Ububōmbelo bwa busayilo. Nkundwe Hoover isakuyaga ni yābwīla i sukulu ya pa Ndungu pa sala ya kalongo. Kangi une ngulōndigwa ukulūmbilila ububōmbēlo bwa lusayilo, ukufuma pa kalongo na yimo mpaka pa kalongo na ibili, apa pa Ndungu apa pikwīsa, Novembala gwa bwakalongo na yimo.

³¹ Pa kibolodi kyakufumisyla panja pala, yo i—i mbakasya ya nōngwa ya ikyēne. Kangi ikyēne kisakuyaga ku . . . Umwe mubagīle ukuyāga injila yīnu ukufuma palapala pala. Ikyēne kili pa Lukindi Mulberry. Pamo abēne—abēne bikupa i ndalulilo pa i . . . Ikyēne kkili pa bolodi ya fumusyo panja pala mu nkyēni mwa kipānga.

³² Polelo, pa—pa Novembala lya—lya malongo mabili-na-babili, une—une ndi gwakuya ku Shreveport, Louisiana, ilya malongo-mabili-na-mabili, malongo-mabili-na-matatu, malongo-mabili-na-mana, malongo-mabili-na-mahano, kangi—kangi malongo-mabili-na-ntāndatu. Amasiku mahano, une ngwinogona, ku Shreveport, Louisiana, ku Life Tabernacle. Ikyo kyo nu Nkundwe Moore. Abēne bikusekelela ulusekelo lwābo lwa golidi. Ulusayo lwa pentekosti lwāgwile mu Shreveport, Louisiana, ifyinja malongo mahano ifi fikindile, ilya malongo-mabili-na-mibili ugwa mwesi ugu. Ifyinja malongo mahano, i ndumi yapentekosti yakwānda yālumbililigwe. Kangi alinkugwa, u Mbepo Mwikemo alinkugwa, mu Louisiana. Kangi abēne bali ni kikūmbusyo ku kila, kangi ulu lo lusekelo lwa golidi. Kangi une nguyapakuyoba ulusekelo ulu lwa jubilii ulu, ikilo ihano, nu Nkundwe Moore, ku Shreveport, Life Tabernacle.

³³ Umwe muli na bīnīnu nkati kangi ukusyūngutīla kula, fiki, aba umwe mukulōnda ukubasīmbilāko, pamo ikīndukimo, tukusangalukaga ukuya na bēne pānja. Kangi itolo babūla abēne isya ngomano isi sikwīsa.

³⁴ Kangi i Life Tabernacle, linga alipo yumo uyu ayilēmo siku nu Nkundwe Moore, umwene yo nnyambala unnu. Kangi kula baliko ikipāmo ikinunu kya bāndu, bala abaiyolo Bākūlūlu. Ugwe itolo ukabagila nubukafu ukubapōnjōla abēne. Kangi polelo, i Life Tabernacle, aligwesa kifuki Shreveport abagile ukukubula ugwe kūko ikylene kili. Shreveport yo kifuki bandu maelifu bamia babili. Kangi akene ko kāya akanunu, kangi bwingi ubuyo bwabugono. Popāpo. . .

³⁵ Kangi ikipānga kyo kitēmbē ikinywāmu, ikitēmbē ikinywāmu fiyo. Ikyēne kili na pamwānya, kangi bufyūke, kangi ikipālo ikikulumba, kangi polelo i kipālo ukukīnda kila. Kangi kuliko itolo ubwīngi bwa fwāsi. Kangi itolo ukutalula ukukilania ukufuma oditoriyumu ya kāya iyi yikutūgāsya maelifu mahano. Itolo—itolu ukufwana ukukilania ulukindi apa, ku oditoriyumu ya kaya.

³⁶ Kangi Rev. Jack T. Moore, pamo—pamo lumo Life Tabernacle ku Shreveport, Louisiana. Ikyo kikwānda pa lyamalongo-mabili-na-mabili. Ikyo kisakuyaga Kita-. . .Kina ukukīndilila pa Ndūngu. Kina, Kihano, Mpyāgilo, Pandungu, amasiku mana mbuyo bwa mahano. Une nsulumenie. Ilyo lyo lyamalongo-mabili-na-mabili, malongo-mabili-na-matatu, malongo-mabili-na-mana, kangi malongo-mabili-na-mahano. Une ngwīnogōna ikyo kyo mūmo ikyēne kiyīlile, isya—nya Novembala.

³⁷ Kangi polelo, uswe twisakusyaganiaga polelo kiliku ukufwana, iki uswe tubobile ukufwana ni kipanga apa, ukusyāgania mūmo ikipānga kibūkilēpo nkyēni ukufwāna nu kwēga ikiyūmba kyāke. Abayēngi bikutubūla abēne

babagile ukubika abanyāmbāla bakufwāna pa kyēne, mpaka ukufwana amasiku kalongo abene babagile ukuya kifuki nakyo ikyene ukuti uswe tubagile ukubuka pasi pa kyene, muketile, mbibimbibi itolo. Kangi abene bikugūlila itolo kuli kāya ukusaina. Umwe mumenye, kangi uswe tukufimbilisigwa ukuya nu buyo bwingi fiyo ubwakubikapo amagali, kangi fingi *iki*. Kangi, o, mwe, ikyene kyo kipambo kya tepi i ngesefu ukufika nkati, ukwanda ukuyenga kalikosa. Loli une ngulonda ukufika ku kipanga bo une ngāli ukugomokela ku ngunda kangi.

³⁸ Lilino une ndinako ukukōlèla ukubūka ku Tanganyika, Uganda, kangi ukukīnda kula. Joseph ali ni ngomano sitēdekigwe ukwānda mu Feburuari.

³⁹ Kangi mmayolo, akabalilo kāko une nīsile nkati, bālipo abakundwe bamo, kangi Kalumbu Thoms na bēne, ukufuma ku fisu fyāpanja, bālingile nkati. Kangi nāli. . . Une nākāgile akakalasi kalāmbalele pa kifigo kyāngo, pamo—pamo ububilikigwe ukufuma i—i kibugutila ukusuluka mu South Africa. Popāpo une ngusimba mu bēne, ukusyāgānia itolo iki kibagile ukubōmbigwa. Lumo, akabalilo kāko une ndi kubutali kula, une mbagile ukusulukila pāsi mu South Africa, lumo, mu kiyabo ikyabumalikisyo kya Februari na Mariki, mula nkabalilo kala.

⁴⁰ Kangi uswe tukusūbila ukwega ikipanga mmwanya, ukuti une mbagile ukutwāla i Ngulilo sya Kipanga isi nkati, bo kukāli—bo amapepo gakāsamo, linga kyākubōmbigwa. Linga une ndikubomba, pamo akabalilo kako une ngufimbilisigwa ukugomokela ukufuma kula, linga Untwa Yeso ikukābila.

⁴¹ Une nāpilikāga mmayolo akabalilo kāko une nālyēgile, ngwitika ikyēne kyāli lisiku lya pakiyolo, ilya tepi. Une ndinkwinogona Une mbilike ikyene kikukina panja apa ulubunju ulu. Yumo unnini unkūdwe Gwakululu āli. . . Unna ālisilēmo mu lukomano. Umwēne āli nu butupe bwa kansa bwa libēle lyāke, kangi umwēne āli nsyūngūlu ku bufwe. Kangi u Mbepo Mwikemo, mu yimo mwa ngomano isyalulu, kula ku Southern Pines, une ngusubila ikyēne kyāli, pamo kubuyobumo, ālimbūlile umwēne, āyobile isya kansa gwāke, kangi ywāni umwēne āli, kangi kūko umwēne āfumilēko. Kangi āyobile umwēne āli nu ndumiana uyu āli ngomokela-nyuma, kangi umwēne ābūkāga pakuya ni ngōzi, nukuyapo ubufwe. Kangi ikilūdiko kyōsa kya findu bo ifyo. Kangi umwinitu uyu. . .

⁴² Ikyēne kyōsa kyābonike itolo i njila yila. Kangi u kansa gwāke untupano, pamo ukukula kwa butupe, ndigi, kulinkundeka umwēne. Iki kyo, ikyābūmi iki kikukula yo kansa, umwe mumenye. Popāpo polelo ikyēne—ikyēne kyālindékile umwēne. Kangi u ndumiana āli pala kuli ukugoga u nnyambala, kangi kilikyosa itolo mūmo u Mbepo Mwikemo āyobile ikyene. Kangi umwene alongosigwe kwa Kristi, ukugomokela kangi.

Kangi umwēne alinkupela i tepi ya ikylene, kangi une—une mbilike iyene kikukina. Ngimba umwe mukwikyelile kila ikinini, akaiyolo akayobela ka Bwakululu? [Ikilundilo kikuyoba, “Ameni.”—Nsimbi.] Alinkuti, “Ukusuluka kuno mu North Calorin’er,” umwēne ayobile. O, une itolo nkiganile ikyo, bala abaiyolo abāndu Bakululu. Kangi umwene aali... U Ntwa alinkunsaya itolo umwēne ukukindilila. Umwene alinkuti, “Une mmenye ugwe utikulumbilila ikimanyisyo, Nkundwe Branham; kwene ku kilundilo kyako.” Alinkuti, “Uswe tuli kiyabo kya kilundilo kyako.” Polelo ikyo kyaali kinunu itolo mu mwene, ukuyoba ikyo.

⁴³ Kangi lilino kilipo ikipicha, une ngwīnogóna, lumo, ikyēne kili pa kimato kyānōngwa ulubūnju ulu. Linga ikyēne kikaya, Billy isakubika ikyēne pamwanya pala. Isya tubalilo twingi ikylene kiyobigwe, akabalilo kako une ngwanda ikyakwanda ukuyoba, ukuti abene bayobile, “Ugwe itolo inogonela, Nkundwe Branham, ukuti ugwe kukēta u Lumuli lula, u Lumuli lula.” Lumo kilipo, kifuki . . .

⁴⁴ Babagile ukuyapo bamo basyēlepo apa, abākabalilo kaiyolo aba bikukūmbukila kunyuma, bo ikifwāni kikalyēgigwemo siku ikya Ikyēne. Ngimba alipo aligwesa apa uyu ikukumbukila une nguyoba ikyo, kubutali fiyo akabalilo aka kakindilepo? Kēta. Itolo kifuki mana pamo amaboko mahano. Kalumbu Spencer apa, kangi Nkundwe na Kalumbu Slaughter, kangi—kangi nkundwe *apa*, nu nkundwe kubwa *kula*. Abēne bali itolo kifuki bahano pamo ntāndātu aba bakabalilo-kaiyolo basyēlepo.

⁴⁵ Ena, lilino, bo kakindilepo akabalilo, iliso lya kwendendeka ilya kamela lila lyākōlile ikifwāni. Popāpo ikyēne kyābūkile ku Washington, DC nukubūka ukwisila mu bakētēsi, nukugomokela, “Komma nakumo ukukomigwe kubili, pamo nakimo.” Alinkuti, “U Lumuli lukomile pa lindalasi.” Uyo yo George J. Lacy. Ugwe uli ni ngamu yake pa saini. Muketile?

⁴⁶ Ena, polelo, utubalilo twingi umwe mukupilika, keta panja nukuyoba, “Gulipo u nsyūngūlu ugwangīsi pamwanya pa mundu *uyu*. Ikyēne kikīngile ku bufwe.” Balinga bāmbilike une nguyoba ikyo? Utubalilo twingi, muketile, utubalilo twingi. Ena, ikylene kyābonike ukuya ukuti kamela yakolile kila. Kangi polelo uswe twakyaigile ikyo apa.

⁴⁷ Unkikulu uyu aalisile kwa kalumbu nukumbula umwene, mu lukomano mu—mu Carolina, kuko uswe twali nu lukomano ulununu ku Southern Pines. Kangi pala, unkikulu yula āfwāga na kansa pa mabēle mabili-gōsa. Kangi abagānga bālimpēle umwene ku kufwa. Kangi u nkikūlu alinkufikila itolo pāsi nukwēga ikibonekelo kyāke, itolo mūmo une nālimbūlile umwēne yūyo umwēne āli, kangi kūko umwēne āfumileko. Kangi une ndinkuti, “Gulipo u nsyūngūlu untītu pamwanya pa ugwe. Ugwe ukīngigwe ku bufwe.” Kangi u nkikūlu itolo ikutika

ikifwāni kya iki. Kangi pala ikylene kili pa liso lya kwendendeka ilya kamera, yikwēga nsyūngulu gwa bufwe.

⁴⁸ Linga aligwēsa umwe mwēsa myibwēne *I Ndagilo Kalongo*, nukukēta u gwāndūmi gwa bufwe, mūmo ikyēne kyāpyāgililāga nkati, kila ikitītu, kifunienie-mbuboneko kisyūngūlu, ikylene kili pa kipiicha iki. Kangi une ngwinogona ikylene kili pa kimato kyānōngwa lilino. Linga ikyēne kikaya, Billy abagile ukumbilika une, fiki, mbula umwēne ukubika ikyēne pa kimato kya nōngwa. Kangi ikyēne kili ni ngwēbo yikusosola ku mūndu yula. Kangi u mūndu yula, unsyūngūlu gwālindekile u nkikūlu, kangi ābūmbulusigwe mbuswīgīsyē. Lōli kilipo ngati kikīngo, ilyōsi ilitītu libūngēne ukusyūngutila nukunkīnga pamwanya u nkikūlu yula, kangi kītulike pa kansa yula bo ulo, ukwīsa ukufuma kula. Ena, ugo go nsyūngulu kūko ubufwe bukōnekēla nkati, mōpe, ukufuma kwa kansa.

⁴⁹ Ena, kali ugwe kugela bulebule ukubabūla abāndu Ubwanaloli, isakuyapo umunduyumo isakuyaga mwīlāmwe ukuti Ikyēne kikaya Bwānalōli. Kangi linga ugwe bwila kuyoba u Bwanaloli, polelo ugwe umenye ugwe uli—ugwe uli ntalusye.

⁵⁰ Une ndinagwe umwīnāngu uyu yo u—u ndimi, pamwanya mu Bwīngililīlisuba. Kangi—kangi a bakyunga-matēngēle bahōmbile kifuki amadola maelifu mana kuli iligali-lyamatalala, ukwakubala u ntimo gwa mbabala ya elk ugu gwasyēle ku nyuma ukugomokela ukukilania kubutali ku Kikoga kya Troublesome. Tāta. Jeverez uyu ālitūgēsye muno nkipānga, une nālindōngwisye umwe kwa Kristi, unsitakyāla lōsa. Kangi umwe mupilike une ngupānga akapango ka uswe tukwītoga palikimo. Kangi umwene akaliitike nakimo loli ulwiho lwa Darwin. “Kangi u Mwana yula, umpapigwe-mumfūnde, syāli syabutoyofu.” Kangi uswe twāgonile ikilo kimo kulakula kūko umwēne ālitikisye Kristi.

⁵¹ Kangi polelo palapala u nnyambala uyu ābabūlīle abēne. Umwene alinkuti, “Lilino, ugwe utikufimbilisigwa ukūla i ligali lila, iligali lya matalala.” Alinkuti, “Une nisakukubūla ugwe katikati silīnga imbabala sili pamwanya pala.” Alinkuti, “Siliko kalongo na lwēle na yimoyēne.” Alinkuti, “Pala syālipō malongo-mabili-. . .Pala pali malongo-mabili-na-yimoyene, kangī une ndinkugoga ibili sya isyene.” Kangi umwene aayobaga ku ndindilila-finyamana. Akābagile ukugoga lōli yimoyēne. Polelo umwene alinkuti, “Syālipō malongo-mabili-na-yimoyene, kangī une ngogile sibili sya isyēne. Kukusyāla kalongo-na- lwele-na-yimo.”

Kangi umwene alinkuti, “Ena, Jeff, une mmenye ugwe gwāgogile sibili sya isyēne.”

Umwene alinkuti, “Une mbombile.”

⁵² Mulimōsa, abēne bālyēgile iligāli lya mmatalala, lilinkubūka pamwanya pala, gyālipo imitu kalongo-na-lwēle-na-yimo gya

mbabala. Umwene alinkuti, “Billy, mbula itolo unnyambala u bwanaloli; umwene atisakwitika icyene mma.”

⁵³ Popāpo ikyo kyo itolo kifuki njila icyēne kili. Ugwe ubagile ukubabūla abāndu u Bwānalōli, kangi pōpe abēne. . . Kufumile ukuyapo kukwīngi fiyo ukusitakupilikisania kangi—kangi ukusyōba isya findu mpaka abene batikwitika ukuti ugwe kubabula u Bwanaloli akabalilo kako ugwe kubabula abene u Bwanaloli. Umwe muketile?

⁵⁴ Lōli uswe tuli bakupālisya fiyo ukuti uswe tuli nu Tāta Gwākumwānya Yūyo ikusisimikisya u Bwānalōli nu busisimikisyo. Ikyene kyo kyabwanaloli. Polelo linga ili likuyaga lisiku lyangu ilyabumalikisyo pa kisu, i. . . kope ukufukulafukulafukula kwasayansi ni sisimikisyo sisimikisye ukuti une njobile u Bwanaloli ukufwana ni findu ifi. Uko ko kutalusya. Ubwēne bo Bwanalōli. Popāpo icyēne lumo kikuyaga pa kimato kyānōngwa. Billy, ngimba ugwe uli nkyūmba mula? Ugwe ulinakyo icyene nkiboko kyako, i picha? Kangi linga ugwe uli nakyo, ena, twala icyene panja apa, polelo ugwe ubagile ukukikasya icyene apa, abene lumo bikukibona icyene. Ena, une ngamanya. Pikuyaga ngapo u lumuli pa—pa kimato.

⁵⁵ Kangi apa po kilipo i—apa po ikifwani papapa apa. Une ngusakikisya umwe mukabagila ukukibona icyene. Loli papapa *apa* umwe mubagile ukuketa unyungulu gwa bufwe panongwa ya ntu gwa nkikulu yula. Kangi apa bulipo ubusimbe ubwa icyēne kunyuma *kuno*, kūko u nkikulu ākomile ipīcha, kangi ukukēta linga icyēne nalōli kyānāngisye. Kangi pala icyene kili, pa—pa pala. Ikyene kyo nsyungulu unkīngigwe gwa bufwe.

⁵⁶ Muketile u nkikulu, kimo palapala pala? Ugwe ukibwēne icyēne, une ngusakikisya, Nkundwe Neville, bule ugwe? [Nkundwe Neville ikuyoba, “Ena.”—Nsimbi.] Aa-ha.

⁵⁷ Popāpo, Billy lumo isakubika icyēne pa kimato kyānōngwa, linga ugwe gwīganile, Billy. Isaga, ega icyēne, kangi egela icyēne ukusyūngutila ku nkyēni nukukibika icyēne pa kimato, ukuti aligwēsa abagile ukukibona icyēne bo abēne bikusōka pānja. Umwene pamo Doc, aligwesa gwa yula. Lilino une ndinkwinogona, lumo, icyene kibagile ukunangisya ukuya kypabwelu ukufwana ukuti ugwe gwābagile ukukibona icyene, lōli yilipo ingīsī nyīngi fiyo kuli uluko lula lwa kifwāni. Lōli umwēne isakubikāga icyēne panja pala, ukuti umwe mubagile ukukikēta icyēne, bo abēne bikusōka pānja.

Lilino, kumbukilaga syosa ifumusyo.

⁵⁸ Kangi lilino, ulubunju ulu, une ninogonaga ukuti lumo uswe tubagile ukuyoba panandi pa kindukimo ukukasya i kipanga, ikindukimo iki kyābagile ukukupā umwe ukōngelēlāpo. . .

⁵⁹ [Nkundwe Doc Branham ikuyoba, “Kulonda ubuyo bula?”—Nsimbi.] Fiki kuyoba? [“Kulonda ubuyo bula pa kyēne?”] Ena, Doc, linga ugwe gwīganile. Ikyēne kibagile ukuya kinunu.

⁶⁰ Une ngulōnda ukubōmbéla iki apa. Une nāli...Bamo mwa bēne bakakibōmbīle ikyēne ukubīkigwa, ku ndungu ugu gwākīndāga, polelo uswe twalinogwine ukuti lumo ukuti ikyene kikupaga panini kinunupo kuli umwisyugu. Une ngulōnda ukuyoba pa ikyēne, panongwa yakuti ikyēne kyafwēne ni—ni njosi u kalumbu ālinayo.

⁶¹ Une nguswiga linga Kalumbu Shepherd ali nkipanga ulubunju ulu. Une nālyāgēne nagwe ikilo kimo. Kangi akabalilo ka kwanda une nālimbwene u nkikulu, naloliloli, une ngālimenye nukuti umwene āli ywani. Ngimba umwene yo umwene? Une ngusakikisya umwene akaya mma. Ena. Ngimba ugwe kupāsyāga, ikyene kikuyaga kalikosa panja pa njila, linga une ngugomokela ku njosi yila, Kalumbu Shepherd? Ugwe ukābagile ukupāsyā, bule ugwe? Umma ndaga. Ikyēne kyo kili kanunu mōsa.

Kangi bo uswe tukāli ukusegelela ku ikyo, unko uswe twinamisye imitu gyitu lilino kangi.

⁶² Gwaiipyana Tāta Gwakumwanya, kwa Ugwe uswe tukupa ulutufyo panongwa ya bununu Bwāko ni kisa. Kangi lilino, tubotesye uswe pāsi, Ntwa, ukuti uswe tubagile ukufunda i Lisyu lya Kyala ilyabumi, mumo Ikyene kikwisa kwa uswe ukwisila mu mboniboni kangi kisimikisigwe na Mbepo Mwikemo, ukutūligwa ni i Bāngèli. Polelo uswe tukusuma ukuti Ugwe kutupaga uswe ukupilikisya, ukuti uswe tubagile ukumanya isyakuti tubombe mmasiku agabumalikisyo aga mumo uswe tukukéta amaka amabibi gikusengama ukusyungutila uswe lilino. U bwīte, u bwīte bwabumalikisyo bo itolo buli kifuki ukulwīgwa. Tutula us, Ntwa. Bo babwīte banalōli, bamaka, unko uswe tukyūnge i kisigilo kya Lwītiko pamwanya, ni Lisyu lya Kyala, u Lūbo, nukusemela nkyēni. Mu Ngamu ya Yeso. Amen.

⁶³ Lilino, ukwinogona isya kusemela nkyēni, u bwīte bumo, ngati u—u bwīte bubāmbikigwe mu bubāmbike, bwītēndekisye ukubūka mu kabōmbo, u—u bwīte ubwanaloliloli, ukulwa ubwite bwa lwītiko.

⁶⁴ Kalumbu Shepherd apa, kangi Nkundwe Shepherd, aba bo baīpyana fiyo binītu ba uswe, kangi aba bikwisa ku kipanga iki. Kangi abene bo bana abapala ba Kyala. Kangi—kangi u Kalumbu Shepherd, akabalilo kāko une nāsālāga a bakalata bāngu, u luko lula Billy abagīle ukwamula, itolo umunduyumo ikuyoba, “Nduma une imyenda gya lwiputo mingi mwakuti.” Kangi une ngwiputa pa gyene. Umwene itolo ikwaamula isyene ukugomosya. Loli akabalilo kako umwene gwa mūndu pamwene, une ngufimbilisigwa ukwakwamula ilyene nimwene, umwe muketile. Popāpo une nāsālile abakalata bapanīmwenē, kangi une nayēgelāga iyēne ku kāya. Kangi une nābalāga nkati mula, ilyēne lyāyobīle, “Ukufuma kwa Kalumbu Shepherd.”

Kangi iyene yali njosi iyi umwene aali nayo, iya—iya myesi gimo igi gikindilepo. Kangi umwene nasiku abagilemo ukuya ni kyene itolo mbutalusye mpaka iMilungu mibili pamo mitatu igi gikindilepo, akabalilo kâko une namanyisyaga pa iki—iki i *Ngulilo Sya Kipanga Ihano-na-ibili* kangi—kangi i—iseke ihano-na-ibili, Peteri Gwâkibili, mûmo ikyene kikwega, Peteri Gwâkibili 1, “Ukongelâla ku lwitiko lwitu.” Muketile?

⁶⁵ Ikyâkwânda, u lwâlo, lo Lwitiko. Ikyâkwânda, ongelâla ku lwitiko lwâko, ulwifimbiliso; ku lwifimbiliso lwâko, bumanyi; ukufuma ku bumanyi, ubufisalyoyo; ukufuma ku bufisalyoyo, ubufindang’oma; ku bufindang’oma, ubunyakyala; kangi ukufuma ku bunyakyala, ulugano lwabukundwe, ikibabilisi kyabukundwe; kangi polelo ulugano, ukuya libwe-lya-kitili. Ihano-na-ibili isya findu ifyo. Ingulilo sya kipanga ihano-na-ibili, muketile, kangi indondwa ihano-na-ibili isya ngulilo sya kipanga, kangi kyosa kya ikyene kikwengelusiwa palikimo na Mbepo Mwikemo.

⁶⁶ Lilino, ikyo kyo iki ikyene kikwega ukuya gwambombo gwa Kristi. Kristi ikuyenga i Kipanga Kyâke mu ngulilo ihano-na-ibili; u Nsingiligwa Gwâke, u Mundu, nkikulu, Kipanga. Ingulilo ihano-na-ibili sya kipanga sikukola kangi sikutendeka u Nsingiligwa. Bamo ukufuma mu ngulilo *iyi*, kangi bamo ukufuma mu ngulilo *yila*, kangi bamo ukufuma mu ngulilo *yila*, kangi syosa palikimo, nukuyengela ikyene ngati i piramidi.

⁶⁷ Bo yu Enoki, uyu ayengile amapiramidi, aga uswe tukwitika. Kangi ibwe-kitili likabikigwemo siku pamwanya pa gene, panongwa yakuti ibwe-ntu lyâpikigwe. Kangi uswe twegile lilino, komma ukuya Kimanyiso, loli bo ukupilikisya, itolo ku kipanga apa. Ukuti ifi . . .

⁶⁸ Kyala ikwipela Mwene kipelelesye mu fitatu. Umwene ikwipela Mwene ukuya mpelelesye mwa “Tâta, Mwanundumiana, Mbepo Mwikemo,” mbubombela-mbombo mutatu bwa Kyala yumoywene. Umwene ikwipela Mwene ukuya mpelelesye mu “kwitikisigwa, ukukemesigwa, ulosyo lwa Mbepo Mwikemo,” ikwisa mpelelesye, imbombo sya ipyana. Umwene ikwipela Mwene ukuya mpelelesye mu kwisa kutata: akabalilo kakwanda, ukutabula u Nsingiligwa Gwake; akabalilo ka kibili, ukwambilila Nsingiligwa Gwake; kabalilo ka butatu, mwa Fyinj’elifu palikimo nu Nsingiligwa Gwake. Kangi kilikyosa kipelelesigwe mu fitatu. Kangi ihano-na-ibili yo mbalilo ya bwiputi ya Kyala. Kyala ukwiputigwa mu ihano-na-ibili, amalisiigwe, lilino apelelesigwe kangi amalisiigwe.

⁶⁹ Kangi ikindu ikihesya kyâli, komma ukutwala iki nkati, loli itolo ukubanangisya umwe, imbabala yabumalikisyo iyi une nali nayo yali nu fundo ihano pa lubafu lumo kangi itatu pa lungi; muketile, i pyana kangi lupelelesye.

⁷⁰ Lilino kētésya pa iki, ukuti Kristi. Kyala āsīm̄bīle a Mabāngeli matatu. Ili Bāngéli lyākwānda lyāli mmwanya, likukōlelīgwa zodiaki. Lilino, linga ugwe ukammanya Buku gwa Yobu, itolo ibwako isya ikyene, panongwa yakuti, Yobu yo yumo ikulingania ikyene, mūmo fikuti umwēne ākētīle mmwanya nukufikōlèla ifindu fila mmwanya.

⁷¹ Kangi kētésya, mu zodiaci, ngimba ikyēne kyālyāndīle na fiki? I kindu kyākwānda mu zodiaci yo mfūnde. Ikindu ikyābumalikisyo mu zodiaci yo Leo i ngalamu. Ukwīsa kwākwānda kwa Kristi, ukwisila mu mfunde. Ukwisa kwakibili, Leo i ngalamu, i Ngalamu ya kikolo kya Yuda.

⁷² Polelo Enoki āmalisīsyē mu lisiku lyāke, pamo ukugomokela mu lisiku lila, i piramidi. Kangi ikyēne āngāli. . . Ena, uswe tukaya nako akabalilo ukwāla ikyēne nu kunāngisya mūmo fikuti i piramidi yila yisile mmwanya ukwisila mu fyūmba na fyōsa bo ifyo. Ilyene likuyoba kulakula ukutalula ku kabalilo ka bumalikisyo lilino. Abene bali nkyūmba kya mwalafyale lilino, mu bupime. Lōli ibwe-kitili likābikigwēmo siku pa piramidi. Kangi kila kikwītugāsya kipelelesye, mu buyēngi, pamo—pamo mbukekamabwe. Mpaka, yōpe u. . . u lwēnge lwa lezala unnini ulūgi. . . Abēne bakamanya mūmo abēne bayēngilēmo siku ikyēne, batikipilikisya ikyēne mma, lwābagilēmo siku u lwēnge lwa lezala ukulāsūla mula mu mbafu kūko a matipa gala gābagile ukuya. Kangi gakayapo na matipa nagamo mu kyēne. Ikyēne kyo itolo kipelelesigwe, kibīkīgwe palikimo.

⁷³ Popāpo ikyo kyo iki ikyēne kili akabalilo kāko Kristi ni Kipanga kikwisa ukuya kimo. Gakayapo nagamo amatipa pakati. Kikayapo nakimo pakati; itolo Kyala nu mundu. Kyala, Kristi, kangi u mundu.

⁷⁴ Lilino, lōli, ibwe-ntu, abēne bakākyāgile ikyēne. Umwe mumenye Ibwe lya Scone abēne balinalyo ku England, ukusayila abanyafyāle, pamo uku—uku bafwīk’ingiga bala, na fyosa bo ifyo. Loli ibwe-ntu. . .

⁷⁵ Kētésya pa ndalama ya dola ya America. Ugwe kwisa kukéta linga. . . pa ndalama ya dola ya America, ku lubafu lumu, ulubafu lwa kukīmama, yo fūngilo ya Amerika, ingwāsi ni i. . . iya ngwebo nkiboko kyake, pa lubafu lwa kibili, iki kikukōlelīgwa “fūngilo ya United States.” Lōli pa lubafu ulungi lyo piramidi kangi, pamwanya pa ikyene, ikisige ikikulumba, kangi pāsi apa ikyēne kikuyoba, “Ikifūngilo ikikulumba.” Nongwa ya fiki ikyēne kikuyaga “Ikifūngilo ikikulumba” nkīsu iki, pōpe pamwanya pa kifūngilo kya kīsu kyītu? Muketile?

⁷⁶ Kali ugwe kubomba fiki siku, Kyala ikulipela ikyene ukuyoba itolo lulalula. Muketile? Umwene ikupela untulwanongwa ukuyoba isya ikyene. Umwēne ikutēndēka ikīsu ukuyoba isya ikyēne. Kilikyōsa kikufimbilisigwa ukuyoba isya

Umwēne. Kali ugwe—ugwe kulonda ukwitika Ikyene pamo mma, Ikyene kili palapala pala.

⁷⁷ Lilino, kētésya, kilipo i kisige mu kila, i kisige kya Kyala. Kangi panongwa yakuti ikitili kikasōkilémo, Untu Gwapamwanya, panongwa yakuti Ikyene kyāpikigwe, uyu yo Mwanundumiana gwa Kyala; Ibwe lyapanguto, i Fungilo ya Nguto ya piramidi, na fyosa ifi. Lilino—lilino, une ne... Une ndikulonda uku...

⁷⁸ Utubalilo tumo abēne bikutepa ifindu ifi, kangi ikyēne kikusōkāpo ukwakuya pakati pa bakundwe mfipanga, aba fipānga ifingi. Kangi akabalilo kako abene bikubomba ikyo, polelo abakundwe utubalilo tumo bikwēga amīnogonelo amasobi, ukuti une nguyoba ikindukimo ikya bakundwe. Lōli une ngaya mma. Une...Linga umwe mubagile itolo ukupilika nukupilikisya, muketile, une ndikuyoba ukulwana nu nkundwe aligwesa. Panongwa yakuti, ikyo kyo kikaya bakundwe, ukuyoba ukulwana na yumo nu nnine. Uswe tukufimbilisigwa ukuyoba kwa yumo nu nnine, komma ukulwana na yumo nu nnine.

⁷⁹ Lōli akabalilo kāko une nguyoba utubalilo tumo isya kipāngānio kimo, ngati baPresbeteri, kiMethodisti, pamo fyosa bo ifyo, abene bikuyoba, “Muketile, umwene ikulwana ni kyene.” Une ndikulwana nu nkundwe nkati mula, pamo u kalumbu nkati mula. I kipānganio iki kyo kikupāgulia ubukūndwe kyo iki une nguyoba ukulwāna. Abāna ba Kyala bo kikolo kimo, kangi komma—kangi komma ifibugutila ifikindanekindane.

⁸⁰ Kangi bamo mwa bene bikuyoba, “Une ndisakuya nakyo nakimo ikyakubombapo pa kyene, panongwa yakuti ubo bo Presbeteri. Kangi une ndi gwa Methodisti.” Muketile? Lilino, ikyo kikaya. Muketile? Ulwene lo lubātiko lwa kipanganio kila iki kikupagulia ubukundwe. Muketile?

⁸¹ Lilino, ikyo, mūmo une njobile, linga ugwe gwābūkàga ukusuluka i kisōko mu bwaiyolo ubwāto ububonekebulēndikelēnduke, gwabūkàga ukugela ukufwānisya pabugwīlo-mīsi, kangi une mmenye ukuti ikyo kitikuyaga pakubōmba, mulimōsa, polelo, une ndikulāta, ukubakemela umwe. Une ngugela ukukusōsya ugwe panja pa bwāto. Muketile? Panongwa yakuti, ubwēne bo bwāto ubu bukuyaga pakubongotoka mōsa, kangi—kangi—kangi ugwe kwisa kulekīgwa, gwītūgésye gwīmwéne, mmisi. Polelo—polelo ikyene kikaya—ikylene kikaya nkundwe mu bwato bula, lōli une ngukūtila ku nkūndwe ukunnāngisya umwēne iki kyo kītēndekisye ukuboneka.

⁸² Mulimōsa, fyōsa ifipānganio ifi, ifi abanyāmbàla batēndike mbwiyūle bwābo fikufimbilisigwa ukubongotoka. Ifyo fyo fyosa. Abene bikufimbilisigwa ukwisa...Uswe tukufimbilisigwa ukwisa ku bumobwene, ku bukundwe. Iyo yāli fūndo yāngu ya būmi ko kugela ukubūngānia kangi komma ukubongotola lōsa

ikipāngānio, lōli unko abēne batāge inyīnogono syābo, kangi ukuya bakundwe ku Nkristi aligwesa umpapigwe-kabubili. Umwe muketile? Iyo, iyo yo fundo. Apo po une nimile, ena, lilino, linga abakundwe babagile ukuketa ikyene. Une . . .

⁸³ Bingi ba bakundwe bitu, mope mu mabuyo ga Nongwainunu i Nyīsusye gwitu, abene batikwitika ukuti aba Baptisti na ba Methodisti, kangi aba Luteri na bene, bali nu lusako. Loli, lilino, abene babagile ukuya batalusye. Loli une ndikwitikisania na ikyo. Une ngwitika ukuti ingulilo apa, iya Ngulilo ya Luteri, mu ngulilo iyi *apa* iyi yākoleligwāga, une ngwitika, i Ngulilo ya Sardis. Kangi polelo i Ngulilo ya Filadelfia, kuli baMethodisti. Kangi polelo i Ngulilo ya kiPentekosti, i Ngulilo ya Laodikiya. Une ngwitika sila syo ngulilo. Kangi Kyalala, mu kilikyosa kya ngulilo sila, ālyegile abandu abasaligwa. Kangi mu ikyo, mūmo Bahiburi 11 ikuyoba, ukuti, “Abēne kisita uswe bakatendekīgwe ukuya bapelelesye.” Muketile? Loli lilino i Kipanga kisile ukufuma ku *iki*, ukwisa mbunandi akabalilo kosa, mpaka Ikyene kyo pāsī mu ngulilo ya Pentekosti.

⁸⁴ Lilino, inongwa iyi une nguyoba iki, ukuti umwe mubagile ukwega ifundo pa iki u kalumbu agogwile. Kangi i njosi yāke yo naloliloli yo kufwānikisania ku iki une mfumile pakumanyisya.

⁸⁵ Kētésya lilino apa, lilino, ifindu fyōsa ifi fifyo Peteri Gwākwānda i lya 6 na linandi lya 7 likukubūla ugwe, ukufu- . . . ukwisila mu lwītiko lwāko, ikyo kyo kyākwānda. Lilino, une nguyoba ukuti abāndu bikwīyobela ukuya ni fimbilisyo isi kisita kuya mpāpīgwe kangi. Kangi une ngwitika une nātēndike ubuyobelo ubwamatīngo kangi ndinkuti, “Ikyēne kili bo injuni indītu ukugela ukubīka amayoya ga ngukundembo mwa mwēne, nukwipela mwene ukuya ngukundembo.” Umwene akabagila ukubomba ikyene. Kukufimbilisigwa ukuyapo iliyoya ilyakipeligwa likukula ukufuma ku mwene. Nkati mwa umwēne kikufimbilisigwa ukubika iliyoya lila pānja.

⁸⁶ Kangi akabalilo kōsa, kangi une akabalilo kōsa nsitākīgwe ukuya nkafu pa bakalumbu bītu, isya kuya ni nywīli indumuligwe, ni fyakupakapaka mōsa nkisyo, ni findu. Une akabalilo kōsa nsitākīgwe ukuya nkafu pa bakalumbu bītu. Ikyene—ikyene kikaya ukuti une ndinako kalikosa akakulwana na ikyo. une ndikuyoba ukuti unkīkūlu akaya nkīkūlu nnunu, ukuti umwēne yo yumo umwēndendekāndukīndi pamo ikindukimo. Ubo bukaya bo bwinogonelo bwāngu mma. Lōli, ikyēne kyo iki, akabalilo kāko umwēne ikubīka fiyo fīngi ifyākwāta pamwanya pānja, kikunāngisya kilipo ikilūdiko kya fyākwāta pamwanya nkati, muketile, ko kūko kukufimbilisigwa ukwisusigwa na Kristi. Panongwa yakuti, panja bwila pikuyobela iki kili nkati. “Ni seke syabo ugwe kubamanya abene.” Umwe muketile? Kangi kūko Kristi abagisenie ukuya nkati mula, nukupakikisya kuli u Kyalala, kangi ukupākisya kuli ifindu ifīngi mbuyo bwa ifyākwībonesya fīngi

ifyakwāta, kangi ugwe umenye, ifikope ifyambindimbindi, kangi ifiboneke-kisitabūndu, kangi uluko lōsa lula lwa findu. Une ndikubukaga itolo kuli kyene, kangi une ndikwitika i Bāngeli likubomba kangi mma, polelo une ngulonda ukuya itolo iki uswe tuli.

⁸⁷ Kētēsya, lilino, linga umwēne akaya nafyo ifyāla fya munyōbe, kangi ikulōnda ukufwāla fimo; linga umwēne akaya nago amino galigōsa mma, kangi ikufūmbwa gamo; akaya nalo ulukōngi lumo, kangi ikufūmbwa lumo; akaya ni nywīli, kangi ugwe kufūmbwa simo; ugwe ukuya nafyo ifindu, ikyo kyo kikīndāne. Lōli akabalilo kāko ugwe kulūsa pānja amīno gāko agabwānalōli amanunu, panongwa yakiuti agēne gali itolo gakaya mamulike bo mūmo agēne gabagile ukuya, polelo ugwe ubōmbile ubusobi. Linga ugwe uli ni nywīli ingesefu, kangi ugwe kulōnda indītu, kangi ugwe kubūka pāsi apa nukulāngisya isyēne ubutītu, itolo panongwa yakuti; ugwe ubombile ubusobi. Ena, une ngwinogona lulo. Loli ikindu ikinywamu . . . Likayapo i Lisimbo nalimo ilya ikyo. Pene, kutumulako inywili syako, lilipo i Lisimbo ku ikyo, ena, tuli na mīngi ga ikyo, popāpo polelo uswe tukulōnda ukutēdeka ubusisimikisyo ukuti ikyo kyo kitalusye, lilino.

⁸⁸ Lilino, kalumbu gwītu, mu njosi, umwēne agogwīle ukuti umwēne . . . Mulimōsa, ikyākwānda, umwēne āfuluganikēne. “Ngimba yo mbombo nki iya kukīndilila nkyēne, nu kugela ukusukulika ukukīnda mbūmi, linga Kyalā ikulonda uswe ukwambilila u Mbepo Mwikemo kangi uswe tukaya nakyo Ikyene?” Lilino, une ndikwinogona . . .

⁸⁹ Abene babagile ukutepa iki. Loli linga abene batiku . . . Linga abene bikubomba, ikyene kili ku kipanga kyene. Muketile? Lilino, kangi linga u nkundwe yumō abagile ukukōlelēla iki, kangi ugwe kupilika amasyu gangu, nkundwe, pa iki, kumbukilaga, une itolo ngumanyisya ku kipanga kyangu. Umwe bwila, pankyeni pa kilundilo kyinu, kētēsya a—a matepi, kangi linga umwe mutikulonda ikilundilo kinu ukugapilika agene, komma ukubītikisya abēne ukupilika agēne. Lōli une itolo ngugela ukuyoba iki ku kabugutila kanini aka apa, aka—aka Nkundwe Neville na une, ukwisila mwa Mbepo Mwikemo, ikugela uku—uku tīma nukubamanyisya abene.

⁹⁰ Lilino, filipo fimo mwa findu ifi umwe mubagile nubupelakisa ukusitakwītikasania nafyo. Popāpo līnga filipo, itolo mūmo une akabalilo kōsa njobile isya kulya inguku ingalangigwe, “Akabalilo kako ugwe kutika ikifupa, ugwe utikutaga inguku yōsa mma. Ugwe kusopa ikifupa panja.” Polelo bwila bomba ikyo. “Ukulya i kisyēsye kya litūnda, kangi ugwe kufika pa luseke, ugwe āngālī utikutāga ikisyēsye mma. Ugwe itolo kutāga uluseke pānja.” Polelo ugwe kubomba ikindu kilakila mukupilikisya ku Iki.

91 Lilino, une—une ngwītika ukuti—ukuti i—i nōngwa iyi kulipo ukufuluganikana fiyo umwīsyūgu, ukufwana na Mbepo Mwikemo, ikylene kikamanyisīgwa kitalusye mma. Une ngwitika ukuti ulōsyo lukumanyīgwa . . .kangi itolo yoba “u lōsyo.”

92 Lōli polelo yaga ngati ugwe kuyoba “ligàli.” Lōli lilino une ndinabo aba tēdekesya—magali bīngi nkipanga iki, kangi une ngamanya ikindu kimokyēne ikya ikyēne. Popāpo linga une ngutēndēka u busobi, une ne . . .Kumbukilāga, une ngaya ntēdekesya—magali. Pikubagila ukuyapo ifiniēmbō, kangi ifisomeko, ni fikosyamoto, na matūyilo, na filifyōsa ifingi, ifi fikipela i ligàli.

93 Kangi akabalilo kako ugwe kuyoba isya lōsyo lwa Mbepo Mwikemo, kilipo i kilūndiko kikubūka na Ikyo. Huu? Muketile? Filipino fingi fikubuuka na Ikyo. Kangi apa kyo iki une ngwinogona ukuti Kyala ikwisimikisya: u Mbepo Mwikemo ali apa. Muketile?

94 Lilino, Peteri āyobīle, ikyākwarda, “Lwītiko.” Lilino kētēsya ikylene naloliloli kifuki lilino. Uswe tukuyaga ukumanyisya iki ku maminiti manandi. Lwītiko, lilino, kyo kyāko ikyākwarda. Kangi ongeléla ku lwītiko lwāko, ulwīfimbilīsyō; ku lwīfimbilīsyō lwāko, bumanyi; ku bumanyi bwāko, ubufisalyōyo; ku bufisalyōyo bwāko, ubufindang’oma; ku bufindang’oma bwāko, ubunyakyala; ku bunyakyala, ulugano lwabukundwe, ikibabīlīsi kyabukundwe; kangi polelo ulugano. Kangi aligwesa amenye ukuti ulugano yo Kyala. “Kyala yo lugano.” Muketile?

95 Lilino, ukuti polelo, ukufuma iki, kangi polelo ukutwala iki ukubuka mu ngulilo sya kipanga ihano-na-sibili. Kyala ikuyenga, mu ngulilo ihano-na-ibili sya kipanga, u Nsīngilīgwa gwa Kristi; ukukīnda i Filadelfia, Tiratira, kangi Pergamosi, kangi Smirina, na Efesi. Ingulilo ya kipanga, iyi Yeso aayobile, “Linga i—linga u Nnyambala ikwisa mu lukētēsyo lwākwarda pamo ulukētēsyo lwabuhano-na-ibili, bōsa abafūnde aba balinkusumuka.” Abēne bāli. Abēne bāsumwike, abafunde ba Efesi, Smirina, Persia, Tiatira, Sardis, Filadelfia, na Laodikiya. Ngimba umwe mukētēsīsye ikyo? Iyene yāli ngulilo ya buhano-na-ibili, ukuti akabalilo kāko Umwēne ālisīle nukusumusya bala abafūnde. Ikyo kikutwāla abēne injila yosa ukugomokéla pāsi apa. Muketile? Kabuno, mu iki, ukwisila mu fyinja, ingulilo, Umwene ayengīle u Nsīngilīgwa, apāpīle u Nsīngilīgwa, iyāgīle u Nsīngilīgwa pa kisu kuli Kristi. Kangi i njila yilayila iyi Umwēne ikwīyāgīla u Nsingiligwa, Umwēne iyāgīle abāndu pamwenepamwene.

96 Lilino une ngwāla iki, ukuti umwe mwīsakukēta akabalilo kāko injosi ya kalumbu yikubūligwa.

⁹⁷ Lilino, ifindu ifi apa naloliloli fibagisenie ukuya Nkristi bo u Mbepo Mwikemo akafungàmo siku abène, bo kikāli iki ukwisa ukusuluka pa mwānya nu kupela ikīndu ikimalisigwe.

⁹⁸ Lilino, i njosi ya kalumbu gwītu lilino. Umwene āpasyāga kali umwene āli na Mbepo Mwikemo pamo mma, akabalilo kākō umwēne ālāmbalēle pa kitala ikipetekigwe-pabili kūko undume gwāke ābalāga i kalatasi ya nōngwa. Kangi umwēne ali nabo abanini bala, mūmo une njile, kangi abène akabalilo kōsa bikutēndēka unjwēgo ni findu. Kangi polelo, mu iki, umwene alinkugona utulo ku maminiti kalongo, pamo kalongo na mahano. Kangi umwene agogwile. Kangi umwēne akābagilēmo siku ukupilikisya iyēne, pamo ukukyēga ikyēne kyōsa palikimo, ukufuma ku kyīnja iki kikīndīle, kifuki, mpaka i Ndumi iyi yamanyisigwe. Polelo, akabalilo kako une nāmanyisyaga Ikyene, ikyene kyosa kigomokile ku mwene. Kangi umwene agogwile ukuti umwene iputaga.

⁹⁹ Umwene endaga i kipalo, ikyakwanda, bo akāli umwene ukugogwa, nukuniongotola amaboko gake, nukwinogona, “Ntwa, ngimba une ndinagwe Mbepo Mwikemo? Ngimba Ugwe ubagile ukusisimikisya kwa une. Bamo bikuyoba, ‘Panongwa yakuti ukuti—ukuti une nālalatile.’ Pamo bamo bātīle, ‘Panongwa yakuti une njobile mu ndimi.’ Kangi uswe tukwitika mu fyosa ifyo. Loli une naloliloli ndinakyo Ikyene?”

¹⁰⁰ Une ngwitika mu findu fyosa fila, ifimbilīsyō sila, ukuyoba mu ndimi, nukulāta, nu luko losa ulwa kubonekesya. Une ngwitika mu kayabo kalikosa ka ikyene. Lōli linga ikyēne kili pala kisita *Iki*, kilipo ikindukimo kisōbi. Muketile? Lilino, muketile, umwe muketile, umwe—umwe muli ni likalang’asa. Kētésya.

¹⁰¹ Kangi umwene āpasyāga isya ikyene, popāpo umwēne itolo ālāmbalele ukukilania ikitala ikipeteke-pabili kūko undume gwāke ābalāga, kangi umwēne ābūkile ukugon’utulo.

¹⁰² Kangi umwene agogwile umwene aali pamwanya pa kyamba. Kangi mu kyamba iki, ikinunu ukukinda-fyosa. . . Une ngaya nakyo ikikalatasi pankyēne pa une, lōli une ngwinogona ikyēne kyo bo ulu. Umwēne āgogwile ukuti umwēne ākibwēne i—i bokosi lya mabwe, ngati—ngati i—i kiyēngeligwe, kītūgesye palapala mmwānya mwa kyāmba iki. Kangi undume āli itolo kunyuma ku mwene. Kangi umwene alimbwene u nnyambala unywamu imile pala, ni myenda gyāmbombo afwele, amaboko aniēmbile mmwanya, ikōnelēla amisi amapelelesye amakīndegōsa aga umwēne akētīlēmō siku, kangi ikōna nkati mu bokosi ili, ilibokosi lya mabwe ili litūgēsye pamwanya nkyāmba. Kangi ilibokosi lya mabwe ili lilinkusita kukola a mīsi. Kangi ilyēne lilinkubūngulūka ukufuma pala, kangi itolo lilinkusebesya gyōsa imīndu nu tupiki, na filifyōsa nkati mula, nukusebesya ikyēne lōsa nukubūnguluka ukusuluka pāsi pa kyāmba. Kangi

ilyène lilinkubungulùka ukukilania injayo syàke, kangi umwène àlímile palapala nkati mu findu fila, kwène kukuti ifyène fikāmatililāga ku mwène mma.

¹⁰³ Kangi—kangi polelo umwène àlālusisye nongwa yafiki i bokosi likakolelile agēne, kangi u nnyāmbala yula alinkuti, “Ago gakaya misi. Uyo yo Mbepo Mwikemo, kangi,” alinkuti, “nakimo kisakukoleléla Umwène.” Kangi alionkuyoba, polelo umwène alinkugomokela nukwēga indobo iyīngi inywāmu, kangi iyēne yālisw nu konelela u lūki nkati mula, alinkuti, “Lilino ikylene kisakukōlelāga iki.” Kangi umwène alinkwīnogona ukuti ilibokosi, lyāli libokosi lya mabwe, lyāyaga pakupufuka pānja nukōna u lūki, lōli ilyène likābōmbile mma. Ilyène kubumalikisyo lyākamandēne palikimo kangi lyākolelile ikyēne.

¹⁰⁴ Umwene alinkusanuka nukubuka ukusuluka i kyamba. Ikubūka pāsi pa kyāmba, umwène alinkwīma pāsi pa kyāmba kangi alinkukēta ku nyuma. Umwène alinkukēta isōka ihano isya aga amapelelesye, amīsi amalāngāle, amasita kubwāpuligwa ni findu ifi agēne gākīndilēmo, gākāli mapēlelesye kangi malāngāle, gikwīsa mbibimbibi. Polelo agēne galinkuya mōlōlo. Polelo, kifuki ukusimilila mōsa, kangi umwène āswīgāga āngāli agēne gikufikamo siku pāsi pa kyāmba, isōko ihano. Kangi umwene alinkusumuka.

¹⁰⁵ Une ngwinogona ikyo kyo itolo kifuki ukuya kitalusye, bule ikyēne, Kalumbu Shepherd?

¹⁰⁶ Lilino, kisita kukindapo apa une ndinkupimba ukalata nukwigula umwene, bo ngāli une ukubala umwene, une ndinkuyibona i njosi yake.

¹⁰⁷ Iyo yo njila injosi sikusanusigwa. Lilino, mwe bingi ba umwe mwisile kwa une ni njosi, kangi—kangi ukuyoba ifindu kwa une ukufwana ni njosi. Une nguyoba, “Gulila panandi. Ugwe ukalimbulilēmo siku iyene yōsa.” Muketile? Kangi ukugomokela nukukīndilīsyā iyene yōsa. Polelo linga ugwe ukabagile ukuyoba iki ugwe gwagogilwe, kumanyaga ugwe kubulele ulusanusyo lotalusye pamo mma? Muketile? Ugwe kufimbilisigwa ukubōmba, ugwe kufimbilisigwa ukuketa injosi. Imboniboni yikufimbilisigwa ukunāngisya i njosi. Kangi akabalilo kako ugwe kukēta i njosi iyi umundu agogwile, nukubabula abene bo abene bakāli nukukubūla ugwe, polelo ugwe umenye ululinganio.

¹⁰⁸ Ena, une ngwitika ukuti ikyo kili mu Lisimbo, kangi, Danieli, akabalilo kamo. Ngimba ikyo kikāli kitalusye? Alinkuti...Ena. Une ngusubila itolo une ndinkwāgigwa ngwinogona isya ikyo akabalilo kala. Muketile?

¹⁰⁹ Lōli ugwe akabalilo kōsa kukēta i njosi, lilino, linga ubulīnganio bo butalusye. U mundu ikwanda ukukubūla ugwe i njosi, ugwe ubagīle itolo ukubīmika abēne, nukuti, “Gūlila

i miniti. Kangi iyene yāli *kyakuti-na-kyakuti*. Ikyene kyāli *kyakuti-na-kyakuti*, ukongelelapo *kyakuti-na-kyakuti*.”

Kangi polelo ugwe kuyoba, “Uko ko katikati kotalusya.” Muketile?

¹¹⁰ U nnyambala, i lisiku limo, āgelāga ukumbula une i njosi iyi umwene agogwile. Umwene alinkuti, “Ena,” umwene alinkuti. . .

Une ndinkuti, “Lilino, nkundwe, nongwa ya fiki ugwe gwālekelēko ikiyabo ikingi kila?”

Umwene alinkuti, “Kyo kiyabo ikingi kiliku?”

¹¹¹ Une ndinkuti, “Ugwe gwāgogwile ukuti ugwe gwāsópile ibwe mmwanya, kangi une nātusulile ku lyene nukuya nakyo kimo nkisige kyāngu.”

¹¹² Umwene alinkuti, “Ikyo kyo katikati bwanaloli, Nkundwe Branham.” Kangi abēne itolo bāpīmibile ikiyabo kyabumalikisyo kya ikyēne pānja, mmayolo. Uu-huu.

¹¹³ Polelo mwaketa lelo umwe. Muketile? Umwe muketile? Nongwa ya fiki? Ugwe utikubūla u bwanaloli bwa ikyēne, lōli, umwe muketile, Ikyene akabalilo kōsa kikusetula ukugomokela, fiki, kikukubūla ugwe injosi yāko, iki ugwe gwāgogwile. Polelo ugwe umenye ikyēne kyo kitalusye.

¹¹⁴ Lilino, apa lulipo ulusanusyo lwa njosi yake. Umwene ātamigwe isya Mbepo Mwikemo. Lilino, panongwa yakuti umwēne alibwēne ilibokosi pa mwanya pa kyāmba, lyāli lyālabwe. Ilibokosi lya mwabwe, yo kwa *lyālabwe*, u “kulāta.” Lilino, bo yu Yeso aayobile mu Lisimbo. Umwene alinkuti, Peteri alinkuti. . . “Ywani,” Yeso alinkuti, “ngimba yo ani uyu abāndu bikuyoba Une, u Mwanundumiana gwa mundu, yone?”

“Yumo alinkuti Ugwe gwe ‘Eliya,’ kangi ‘Mōse,’ na fyosa bo ifyo.”

Kangi Umwene alinkuti, “Loli Ngimba ugwe kuyoba fiki Une ndi?”

Umwene alinkuti, “Ugwe gwe Kristi, u Mwanundumiana gwa Kyala gwabumi.”

¹¹⁵ Lilino, abandu bamo bikuyoba lilino, ikipanga kya Katolika kikuyoba, i kipanga kya Katolika gwa Roma kikuyoba, ukuti u Lwāke ululāt-. . . “Iki i lyalabwe lyāli, ukuti Yeso āyobile, ‘Pa lyalabwe ili Une nisakuyēnga i Kipanga Kyāngu, kangi ifipata fya gehena fitisakuponjola ukulwana na Ikyene.’” Abēne balinkuti, “Ikyēne kyāli pa Peteri. Kangi Peteri āli ibwe lila, panongwa yakuti *Peteri* ikusanusya ‘ibwe ilinini.’ ‘Pa kabwe akanini aka Une nisakuyēnga i Kipanga Kyāngu.’” Kangi pa Peteri, abēne, ikilingo kya batumigwa, abēne bāyēngile i kipānga.

116 Polelo i kipanga kya kiProtestanti kikuyoba, “Ikyo kyo kisobi. Ikyo, ikyene kyāli pa Mwene Umwene āyengile i Kipanga.”

117 Lilino, komma ukuya gwākukanikana, lōli, une, ku njila yāngu iya kukētēla ikyēne, ikyēne kyo fyōsa-fibili fisobi. Panongwa yakuti, umwēne akāyēngile Ikyēne pa Peteri, napamo Umwēne āyēngile Ilyēne pa Mwēne, loli ikyene kyo pa busetuli bwa Peteri Uyu Umwene āli. Muketile?

“Ywani umundu ikuyoba, Une ne Mwanundumiana gwa mundu?”

“Ugwe gwe Kristi, u Mwanundumiana gwa Kyala gwabumi.”

118 “Uli nsayigwa ugwe, Simoni, mwanundumiana gwa Yonasi. Mbili ni lilopa fikasetula iki kwa ugwe,” i seminale yimo, muketile, “lōli Tāta Gwāngu uyu yo ali ku Mwanya asetwile kwa ugwe. Ugwe gwe Peteri. Pa lyalabwe ili ilya lulato, pa busetuli ubu, Une nisakuyengaga i Kipanga Kyangu.”

119 Kangi ikyo kifumile, ingulilo ya kipānga yiliyosa yifumile pakuya na lula ululāto lwalyālābwe, ukukīndilila mpaka ku lulāto ulu ulwa lyālābwe ulwa Laodikiya.

120 Kangi, lilino, ugwe ubagile ukukupela ikipanga ikikemo. Kikayapo ni kindu nakimo bo kipanga ikikemo pamo ikipāngānio ikikemo. U Mbepo Mwikemo abagile ukulumbililigwa mu kyene, loli nkati mula umwe mukwaga ubununu nu bubibi, abagasi, basitakupasya, na filifyosa ifingi. Popāpo ikipānganio kitisakōla. Ugwe ukabagila ukuyoba, “Uswē tulinakyo Ikyēne. Nakimo mwa fyosa ifi abēne balinakyo Ikyēne.” Umma, nkulumba. U Mbepo Mwikemo ikoneleligwa panja pa mundu yumo pamwene. Ikyene kyo pamwene-pamwene.

121 Popāpo, polelo, i lyalabwe, ilisiku ilyabumalikisyo ili, i Kipanga kyapentekosti iki kyambilīle u Mbepo Mwikemo, abene babombile ku bwandilo. Ukusuluka mosa ukukinda mu ngulilo, abene bikwambilila u Mbepo Mwikemo, loli komma mu bugelēlo ubu abene bali nabo Umwene lilino, panongwa yakuti ikyēne kyo lupyanyikisyo lwakwanda. Bo uswe tukwēga ingolekelo sya nyāle, Alfa na Omega, mūmo abēne bākosyīle i nyāle iyakwānda; ikyēne yābūkīle pamwanyapo kangi pamwanyapo, kangi yilinkuya nsimililēpo kangi nsimililēpo; polelo ukugomokela kangi. Muketile? Iyakwānda kangi yabumalikisyo, na fyōsa bo ifyo.

122 Lilino, lōli mu ngulilo ya kipanga iyi, i Ndumi yikōneleligwa mu kipanga. Lōli u mbili gwa kipanga, gwēne, mōsa ngati i . . .

123 Ikitembe iki, uswe tukuyobaga. (Apo po pāpo umwene ikwisa ku kipanga.) Ikitembe iki kikaya kitembe kya Mbepo Mwikemo. Kikayako ikindu bo ikyo. Pamwene-pamwene aba bikwīsa nkipānga iki bo fitēmbē fya Mbepo Mwikemo. Abēne

bo fitēmbē ifi fili na Mbepo Mwikēmo, lōli komma i kipānga mu mbili, ikibugutila. Polelo, Ikyēne kikubalanila pānja.

¹²⁴ Loli, fiki, u nnyambala uyu yūyo ōnelēlāga a misi, untumigwa ku kipanga, ikōnelēla i Ndumi nkipanga, lōli ngimba a misi gabombaga fiki? Agēne gāsebesyāga mōsa gyōsa imīndu igi gyāli mu gēne. Ikyo kyo iki Mbepo Mwikēmo ikubōmba, ikisebesya ikyēne lōsa, lilino.

¹²⁵ Lilino, u lūki lwimilile u lugano lwabakundwe, ikibabilīsi kyabukundwe, iki kyo ngulilo iyi. Une itolo mbūkile ukukīnda ukuyoba, muketile, ikya kibabilīsi kyabukundwe, i ngulilo iyi uswe tukwītugalāmo lilino.

¹²⁶ Lilino, ugwe ubagile ukuyoba, “Keta, une—une—une naloliloli ndikundōnda u Nkundwe Neville.” Pamo, “Une naloliloli ngangana Nkundwe Jones. Une ngangana Nkundwe *Gwakuti-na-gwakuti*,” kangi ikindukimo bo ikyo. Lōli itolo kileka ikindukimo kiboneke ku mwēne, nkundwe, indumbula yāko yibongotolīgwe. Ikyēne itolo kifuki kikukugoga ugwe. Muketile? Uswe tubagile ukukaba ikibabilīsi kyabukundwe nu kwīpilika kuli yumo nu nnine. Muketile? Lōli ukumilisa mu kabugutila ka bāndu . . .

¹²⁷ Nongwa ya fiki ugwe kupakikisya u nkundwe yula? Panongwa yakuti ugwe ubongotwile unkati nu mwene apa pa kigemo, mumo ugwe kuyīlāga ikilo iki. Ugwe kulilanila nu mwēne. Umwe mwāponēnie amaboko. Ugwe gwīputāga nu mwēne. Umwene yo nkundwe gwāko. Kangi umwēne abagile ukubomba ikindukimo mu mbili, iki ugwe āngāli kusitakwītikisānia nagwe, panongwa yakuti ugwe itolo ndukolumo kusyāla, (iki ugwe utikubagilila ukubōmba), lōli kunjōnga umwēne panini. Loli pasi pa ndumbula yako, linga ikindukimo kyabonike ku nkundwe yula, ikyene kyaali kifuki kikukugoga ugwe, pamo u kalumbu yula.

¹²⁸ Une—une ne nnyambala unkangale. Une akabalilo kamo nāli nkeke, kangi lilino une ne nkusi. Une nkibwene ikyene, ukusuluka ukukīnda mu ngulilo, ukubomba ikyo. Pilika abandu bikuyoba, “Une itolo ndisakuya nakyo kangi mma ukubōmba nu mwēne.” Kangi ikindukimo kyābonīke ku nnyāmbāla yula, ikyēne kifuki kikungoga umwēne. Umwene ikwinogona, “O Kyala, une ndinkundeka unkundwe gwangu umpala ikubuka, kisita kutendeka ubwīnāke nu mwene.” Umwe muketile? Muketile? Muketile? Ikyēne kyo lugano lwa bukūndwe. Ulwēne lukuboneka ngati ulwēne lutisakumata, lōli ulwēne lukumata. U lūki, ulwēne lukumata.

¹²⁹ Lilino, panongwa yakuti umwēne isile ukufuma kula, pāsi pa kām̄ba, kūsī kwa kām̄ba, lilino, amīsī agalwīmīko aga gābunāga ukukilania utwām̄ba, mu sōko ihano. Lilino, ihano yo mbalilo ya i pyāna; Y-e-s-o, l-w-ī-t-i-k-o, p-y-ā-n-a. Muketile? Ihano yo

mbalilo ya i pyāna. Isōko ihano syōnàga ukufuma pamwanya apa ku nkolofwa, ukusuluka ukwisila *apa*.

¹³⁰ Yiliyōsa ya ngulilo isi syāli nalo ululāto lwa lyālabwe. Abikemo bikugon’utulo, bikugulila, bikugūlīla, bikugūlīla, bikugūlīla, muketile, ukukīndilīla mpaka i ngulilo iyi. Lōli lululu u Mbepo Mwikemo, ukuya mōnelīgwe ukufuma kwa Kristi, isakwīsa nu kufūnga i Kipanga. Polelo i Kipanga kisa kuyaga kinyakilīgwe. Ikyēne kisakuyaga kimo ikimalisīgwe ikya Kyala, u Nsingiligwa gwa Kristi, yūyo isakuyaga Ntu gwa fīndu fyōsa. Umwe mukungōnga une lilino? [Ikilundilo kikuyoba, “Ameni.”—Nsimbi.]

¹³¹ Lilino, umwene aswigaga. Lilino, mu njosi yake, umwene aswigaga, “Ngimba akasoko akanini aka. . . Ngimba akasoko akanini aka kakwisaga siku pasi?” Muketile? Akene kūmàga. Lilino, ukuya kila, umwene mwene. Lilino apa po kilipo iki une ngulonda ugwe ukufikako lilino. Umwēne pamwene āswīgāga isya mwēne pa mwēne. Ngimba umwēne “āli na Mbepo Mwīkēmo”?

¹³² Lilino, une nātīlāga ukuyoba iki, amasiku manandi aga gakindilepo, ngwinogona ukuti ikipanga kisakuyaga kyamwambepo ukufwana ukukikola ikylene. Kangi lumo une kinunupo nsimisye i tepi iyi papapa lilino, lōli panongwa yakuti une ndikulōnda iyēne ukubūka pānja pakati pa bakundwe. Lōli ugwe gwābagīle ukuyoba mu ndimi, ugwe gwābagīle ukulalata, ugwe gwābagīle ukumoga, ugwe gwābagīle ukubopesya imisyētāno, ukubomba kalikosa ugwe kulonda, kangi pōpe nukusitakuya na Mbepo Mwikemo.

¹³³ Ngimba bala abafūndīgwa bakāgomokile, bikusangaluka nukuywēga panongwa yakuti imisyētāno gyāli milāmbikīgwe ku bēne, kangi Yeso. . . mulamula pakati pabo āli Yudasī?

¹³⁴ Ngimba Yeso akāyōbile, “Mu lisiku lila,” akabalilo kako Umwene ikwisa, ukuti, “bīngi bisakwisa kwa Une nukuyoba, ‘Ntwa, ngimba une ngabopesya imisetano, kangi mu Ngamu Yāko nābōmbīle imbombo isyamaka?’ Kangi une nguyobaga, ‘Sokapo ukufuma pa Une, mwe babomba butulwanongwa. Une ngabamenye umwe.’” Ifīndu fila fikaya fibonesyo fya Mbepo Mwīkēmo.

“Ni fipaso fyabo ugwe gwisakubamanya abene.”

¹³⁵ Lilino ugwe kuyoba, “Nkundwe Branham, ngimba uswe tukufimbilisigwa ukuyoba mu ndimi?” Naloliloli. Ifyo fyo fyabupe fya Kyala. Loli ifikungilwa fila ifya Kyala, kisita fimbilisyo isi mu bene, kikupela ukwitabania ku basitakwitika. Ikyene kitikwitikisigwa na Kyala.

¹³⁶ *Iki* kikufimbilisigwa ukuya ikyākwānda. Kangi akabalilo kākō ugwe uli nu lwītīko, ulwīfimbilīsyo, ubumanyi, ubufisalyōyo, ubufindang’oma, ubunyakyāla, nu lugāno lwabukundwe, polelo u Mbepo Mwīkēmo ikusuluka pāsī

nukufūnga ugwe ukuya kimo, mulamula mūmo Umwēne ikifūnga i ngulilo sya kipānga ukuya kimo. I njila yīyo Umwēne ikutēndēka u Nsīngiligwa Gwāke yo njila Umwēne ikutēndeka yumo-pamwēne Gwāke; kitendekigwe ukufuma ku kindu kilakila, bo Eva ātendekigwe ukufuma kwa Adam, ulubafu ukufuma mu mbafu. *Apa* fyo findu ifi umwe mukufimbilisigwa ukuya nafyo tāsi. Ugwe ukabagila ukwēgelēla ifyēne. Ugwe ukabagile ukwībīkāmō mfyēne. Ifyēne fibagile ukuya fitumigwa-na-Kyala kangī fipāpigwe-na-Kyala. Ukwībīkāmō itolo kukupela ulufuluganiko.

¹³⁷ Ikyēne kili mūmo une nāyobile. Ngimba umwe mubagile ukwinogonela ukukēta u kihobe itugesye pala na mayoya ga ngungubiya gasomekigwe mmapiko gāke, nukuyoba, “Muketile, une ne ngungubiya!” Umwēne akaya yo ngungubiya. Umwēne yo kihobe, ilinyōmbo. Ngimba umwe mubagile ukwinogonela injuni indītu na mayoya ga ngukundembo mmapiko gāke, nukuyoba, “Muketile!”? Ikyo kyo kindukimo iki umwēne asōmike nkati.

¹³⁸ Lōli ikyēne kikufimbilisigwa ukwīsa ukufuma nkati pānja, kangī ikyēne kikutwala i Kikristi; Kyala, ukwisila mmaka ga Mbepo Mwikemo!

¹³⁹ Gwītu kalumbu āli ni njayo syāke sibūdēle akabalilo kāko umwēne āfikile kūsī. Twēsa ba uswe tumenye Kalumbu Shepherd ukuya mupi. Inyumba yake yigwike. Umwene nu nkundwe, une ndikupasya kali ikyene kyo nsitakaya, nsumasuma, kilikyosa ikyene kili, abene bisakundyesyaga umwene, bomba kilikyosa iki abene babagile ukuntula umwene mumo. O! Kyala itikisyaga ikyo, u lwalo lwake.

¹⁴⁰ Kangī apa kilipo, lilino, ega ikimanyisyo iki. Apa po kilipo iki kitamisye ni—ni. . . Une ngusanukila pa iki. Apa po kilipo iki kitamisye na Branham Tabernacle. Umwe muketile, lulipo uluko lubili ulukīndāne ulwa lwītiko. Lulipo uluko lubili lwa lwīfimbilisyo, bo mūmo une nāli nakyo ikyēne ilisiku ilīngi. Uluko lubili ulwa bumanyi. Uluko lubili ulwa bufisalyoyo.

¹⁴¹ Yumo ikwinogona ukuti ikyene kyo lukānisyo, abene balinkuya. Ulo lukaya lo luko lwa bufisalyōyo ulu Kyala ikuyobelapo. Ubwēne bo bula ubusitakyala, ubugāsi ubusitakwīkōla ugwe uli nabo, kangī ifindu fya lubafu lula, ukugomosa amatingo, ukūmana.

¹⁴² Ubufindang’oma, na fyōsa bo ifyo, bulipo ubwa kyīgila bwa ubwēne, ukwībīkāmō ukuya; u lwītiko ulupīgwa-ni-kipeligwa; ulwīfimbilisyo ulupīgwe-ni-kipeligwa. Bulipo ubufisalyoyo ubupīgwa-ni-kipeligwa. Fyōsa ifindu ifi fipīgwe ni kipeligwa.

¹⁴³ Kangī ikiyabo ikinywamu ukukinda fyosa ikya lwitiko lwitu lo lwitiko lwa mminogono. Ukwisila mu kupilika i Lisyu, ikyēne kikutwala uswe ku lwāgānio lwamminogona lwa Kyala.

¹⁴⁴ Loli linga Iki, kikufumila Kumwanya, o, nkundwe, linga Ikyene kikutikamo siku *iki*, pala lulipo u lwitiko lwakyaala.

Polelo ngimba u lwítiko lula lukubōmba fiki? U lwítiko lula lukulyāgània lyēne li Lisyu. Kali kyo fiki kilikyōsa i kīngi kikuyoba, ikyēne itolo kikwulyāgània i Lisyu, panongwa yakuti, “Pa bwandilo lyalipo i Lisyu, kangi i Lisyu lyaali na Kyala, kangi i Lisyu aali yo Kyala.” Kangi i Lisyu lyo likāli Kyala. “Kangi i Lisyu lyapeliigwe ukuya mbili kangi nukwitugasya pakati pitu.” Kangi akabalilo kāko i Lisyu Lyēne likonelēla mu lwítiko lwítu, u lwítiko lwítu lwaminogono lukuya busetuli bwamwambepo.

¹⁴⁵ “Kangi pa lwālo ulu une nisakuyēnga i Kipanga Kyāngu.” Muketile? Komma pa bupilikisye bwamminogona bwa kwingila i kipānga, ubupilikisye bwamminogona bwa Ikyo; lōli pa busetuli, akabalilo kāko sila isōko sya i pyāna syōnēlile mu lwítiko lwāko ulwaminogono ulu ugwe uli nalo. Polelo, pa iki, ubusetuli bwamwambepo, “Une nisakuyēnga i Kipanga Kyāngu, kangi ifipata fya gehena fitisakutola ukulwāna ni Kyēne.” Muketile? Ikyo kikubonesya ukuti abene bikuyaga balwanaga ni Kyene, loli ikyene kitisakuponjola. O, kyo kindunki ikisisya! Lilino kēta u lwítiko. Ifisōko ifi fihano. . .

Une nāli na kayabo ka ikyōko apa, loli une ngusakikisya umwene akātwalamo siku ikyene panja.

¹⁴⁶ Lōli ifisōko fihano ugwe kukēta fikwīsa ukwisila muno, sikwēngelusya *iki* palikimo. Umwene aali yo Mbepo Mwikemo uyu aapelile i kipanga kya Efesi. Umwene aali Mbepo Mwikemo uyu āpāpile ikipanga kya Simerna. U Mbepo Mwikemo uyu ikupa i kipanga kya Peregamo, kangi i kipanga kya Tiratira, mu Ngulilo ya Ngīsi. Umwene yo Mbepo Mwikemo uyu ayengile u Nsīngiligwa yula, a Basaligwa aba bākwābigwe ukufuma mu fipānganio fya mbātiko ukusuluka ukukīnda i ngulilo bo lūla. Pala balilpo a Basaligwa, u Nsīngiligwa unsunguligwengāni gwa Yeso Kristi, ukuti u Mbepo Mwikemo akōlile panja a Basaligwa. Kangi ikyene yo Mbepo Mwikemo mu ngulilo *iyi*, ingulilo *yila*, ngulilo *yila*, *yila*, *yila*, *yila*, *yila* ukukīndilila pa mwanya pala, u Mbepo Mwikemo.

¹⁴⁷ Kangi lilino ukuya mu aligwesa pamwenepamwene, ifimbilisyo isi ni findu, ubumanyi nu bufisalyōyo, fikongeleligwa ku lwítiko lwítu. Polelo akabalilo kako i Libwe-kitili likwisa, u Mbepo Mwikemo ikumyātika Ikyene palikimo. Lulipo ulosyo lwa Mbepo Mwikemo. Fyōbēne ikyene kipimba fiyo umwisyugu.

¹⁴⁸ Une ngukēta apa, une ndinago amasimbo gamo gāsīmbigwe pāsi apa. Unko uswe tukēte. Une nāli ni kipicha kisīmbigwēpo apa, kuli i njosi yāke. Muketile? Ugwe ukabagila ukukibona ikyēne ukufuma pala.

¹⁴⁹ Lilino, ukwisa ukufuma kwa Mbepo Mwikemo, kyo fiki kisile? Polelo Umwene isakukupaga ugwe, ulwitiko ulukindekipeligwa, ulwitiko lwamwambepo, ulu *apa* pasi. Polelo u lwítiko lula ulwamwambepo lukwāgània lyēne i Lisyu. Kali yumo uyungi ikuyoba fiki, ikyene kitiku—ikyene

kitikubomba nakimo ikinunu. Ikyo itolo kikumanya i Lisyu. Linga umundu yumo ikuyoba, “Amasiku ga fika gakindile.” Ulwitiko lula lukumanya lyēne i Lisyu. Umunduyumo ikuyoba, “Kikayapo ni kindu nakimo bo lōsyo lwa Mbepo Mwikemo.” Ulwitiko lula lukumanya itolo i Lisyu. Ulo lo naloliloli, lwitiko lwamwambepo, umwe muketile. Uko ko kutalusya. Muketile? Ikyene itolo kikumanya i Lisyu.

¹⁵⁰ Polelo, kila kyāli kyākwaṅanda. Mbalilo yimoyene, ukwisa kwa ugwe, ulwītiko lwāko lwaminogono papapa apa, ikwisa u Mbepo Mwikemo ikusuluka pāsi mu lwītiko lwāko ulwaminogono, ukupela ikyēne u lwītiko lwamwambepo. Polelo u lwītiko lwamwambepo itolo lukwāgānia i Lisyu.

¹⁵¹ Lilino, kangi mbalilo ya bubili, butatu. Polelo ugwe kuyaga nakyo ikyamwambepo, ugwe kuyaga nu Mbepo Mwikemo, kangi isakufūngāga ifindu fyōsa *ifi* mwa ugwe, bo Mbepo Mwikemo yula ikukupilila *iki*. Ukufuma ku lwītiko lwāko, ukufyūka kwa Mbepo Mwikemo, ikufūnga ugwe nkati na Kristi. Polelo ugwe kuyaga Yumo. Amen. (Egaga ikindu iki ukufuma mu njila yangu; ikyene kikafu pa maboko ginu.) Ugwe kuyaga yumo. Muketile, ugwe na Kristi mumi palikimo. “Pa lisiku lila umwe mwisakumanya ukuti Une ndi mwa Tāta, u Tāta mwa Une; Une mwa umwe, kangi umwe mwa Une.” Muketile? Polelo ikyo kindu kimo ikifūngigwe ikya Ntwa Kyala.

¹⁵² Lilino, kangi polelo abēne basisimikisigwe nukubikigwa. Akabalilo kāko akabalilo kala kikuboneka, abēne bikuya bānabalumiāna basisimikisigwe kangi banabalindwana ba Kyala.

¹⁵³ Ngimba umwe mukukumbukila, kula mwa Buku gwa Matai, untu gwa 17, amanandi ga 1 ukubuka ku linandi lya 5, Yeso pa Kyāmba Lwānduko?

¹⁵⁴ Umwe mupilike *Mpilike Umwe Umwene*. Ubulumbilili ubu une itolo, apa ukufwana ikyinja iki kyākindaga, kilumbililigwe ukuya mfumuke fiyo, *Mpilike Umwe Umwene*. Ukubika mbuyo bwa mwanundumiana, mu Baefesi 1:5 nūswe, “Kyala atusūngulile-ngāni uswe ku bufwīkigwe kwa banabalumiana.”

¹⁵⁵ Muketile, i nyumba, akabalilo kako u mwanundumiana āpapigwe nkati mwa kyene, umwene yo mwanundumiana akabalilo kala. Loli u mwanundumiana yula āli na bafundi ukuswila ubwene. Kangi linga u mwanundumiana yula akālisilēmo siku uku—ukuya luko ulutalusye lwa mwanundumiana, umwene atisakuyamo siku gwakilingo. Loli linga umwene āli mwanundumiana untalusye, kangi u mwanundumiana uyu ābagile ukumpilikila u tāta gwāke, polelo u mwanundumiana yula āfwīkigwe, pamo abikigwe pabuyo-na-pabuyo. Umwene alinkuya gwakilingo gwa iki tāta āli nakyo.

¹⁵⁶ Kangi ikyo kyo iki Kyala ābombaga pa Kyamba Busanuke. Akabalilo kāko Umwēne ālyēgile u Mwanundumiana

Gwāke Mwēne, ukufuma pāpo Umwēne āsisimikisye ukuya Mwanundumiana untalusye, muketile, kangi ālimikēne ni ngelo syōsa, Umwēne alinkummwēga Umwēne pamwanya pa Kyāmba Lwānduko nukunkupilila Umwēne.

¹⁵⁷ Umwe mumenye, mu Lwitikano Ulukūlu, abēne bālyēgile u mwanundumiana, ukumfwika umwēne mu nnunu, umwēnda ummogi, nukumbika umwene panja pankyeni pa kilundilo. Kangi abene bali nulusekelo ulwakubikamo mbuyo, pamo uswe tukukikōlela ikyene ukufwikigwa. Mwa Bagalatia kula, une mu luko lumo ngwinogona Pauli ikusōsōla ku kyene ukuya ukufwika abanabalumiana. Lilino, lōli, ukubikapo u mwanundumiana, ababombi bisakupilikisya, kangi abamwambepo, abafunda i Bāngēli, isya kubika-mbuyo u mwanundumiana uyu. Mmasyu agangi, u mwanundumiana āli mwanundumiana akabalilo kākō umwene āpapigwe.

¹⁵⁸ Apo po pāpo abāndu bītu Bakipentekosti bātēndike ubusobi bwābo. Ukupāpigwa mu kikolo, ukwisila mwa Mbepo Mwikemo, uko ko kutalusya, loli polelo uswe tukufimbilisigwa ukuya u luko ulutalusye ulwa bāna, abafundigwa nu Fundi untalusyi. Muketile?

¹⁵⁹ Lilino, linga u nnyambala, kunyuma mu ngulilo iyaiyolo, ālinogwine isya mwanundumiana gwake, umwene ālondāga umwene ukuya luko ulutalusye ulwa mwanundumiana, umwene āmmwāgāga u fundi unnunu ukukinda-bosa uyu umwene abāgile ukwaga, u manyisi unnunu unkinda-bosa, 'nongwa yakuti umwēne ālōndāga umwanundumiana gwāke ukwisa pala ukuya ngati ugwise gwāke. Muketile? Popāpo umwēne āmmwāgāga u fūndisi untalusye.

¹⁶⁰ Lilino, linga u nnyambala pa kisu abagile ukwinogona isya fundi unnunu ukukinda-bosa, bule u Kyala gwitu, Tāta gwitu? Lilino, Umwene akayamo siku na ba bishopu, kangi a bakadinolo, na baputi. Umwene ali na Mbepo Mwikemo ukuya Fundi gwitu. Kangi u Mbepo Mwikemo yo Mmanyisi gwitu. Kangi Umwene—Umwene ali mu Kipanga, kangi Umwene ikwega i ndumi kwa Tāta.

¹⁶¹ Kangi polelo bule linga u tāta, pamo, u fundi ikwisapo nukuti, “Ena, Tāta . . .” Lilino, umwene atikuyaga pakwēga u luko lumo lwa fundi uyu ikulonda akatete mu kitili kyake, umwe mumenye, iliyoya, uswe tukukikōlela ikyene. Yoba, “O, linga une ngukubula tāta ikindukimo ikya . . . Undumiana unnini yula yo lisambuke, mulimosā, lōli linga une—linga une ngumbūla u tāta, u tāta abāgile ukumba une ubufyusya-mfwālo.” Ulo lukaya lo luko ulutalusye lwa fūndi. U luko ulutakusye ulwa fūndi yo gwānalōli-ndumbula, ikuyoba ubwānalōli.

¹⁶² Kangi u Mbepo Mwikemo ikubula u Bwanaloli akabalilo kako Umwene ikwisa pankyeni pa Kyala, kwa uswe. Ena. Polelo Umwene ikufyuka. Ngimba ugwe kwinoogona fiki? Umwene

ayaga gwasoni umwisyugu ukuyoba, “Abanabalindwana bako bōsa bikutumula inywili syabo, kangsi Ugwe ubabulile abene komma. Bāko abānabalumiana bāminogono-ga-kipānganio fīyo, abēne itolo bakabagila ukukēta yumo ku nnine. Uko ko kutalusya. Kangsi abēne bikwēgelēla *iki* kuli Iki, kangsi *iki* kuli Kila.” Mūmo Umwēne abagilw ukugw’isoni! Loli mumo u Fundi yula ābagile ukugana ukwisa nu kuyoba, “O, mwe! U mwanundumiana yula yo mwanundumiana gwanalololi. Umwene yo itolo bo yu Tāta.” O, mumo Umwene ikwiganaga ukuyoba ikyo! Muketile?

Polelo u Tāta ikutupa panja mu lwītūfyo, ikuyoba, “Uyu yo mwanundumiana Gwangu!”

¹⁶³ Ikyo kyo katikati iki Kyala ābōmbīle pa Kyāmba Lwānduko. Kētésya, pala ābonike Mōse na Eliya. Kangsi Peteri, lōsa anyenyemusigwe; ikikindafipeligwa kyābombígwe. Peteri alinkuya nyenyemusigwe, alinkuti, “Unko uswe tuyēnge ifitēmbē fitatu, kimo kwa Ugwe, kangsi kimo kwa Mōse, kangsi kimo kwa Eliya.”

¹⁶⁴ Bo umwene akāli ikuyoba, Kyala ikunkibisya umwene mōsa. Umwene alinkuti, “Uyu yo Mwanundumiana Gwangu unganigwa mumo Une ngwikyela kanunu. Mpilikila umwe Umwene.” Muketile? Kyala alibikile Mwene mu lwalo, kangsi, “Uyu yo Mwanundumiana Gwangu.”

¹⁶⁵ Mōse imililāga ululagīlo. Abasololi bīmīlilāga ubugolofu Bwāke. Uswe tukābagīle ukwitugasya nu lulagīlo Lwāke. Uswe tukābagīle ukuya nu būmi nu bugolofu Bwāke. Une ndikusūma ubugolofu. Une ngulōnda ikisa, komma ubugolofu. Une ngabagila ukukyunga ululagīlo Lwāke, kangsi une ngabagila ukufwānikisya u bugolofu Bwāke. Lōli une ngufūmbwa ikisa Kyāke. Kangsi Kyala āyobile ululagīlo nu bugolofu butalile bwalyāgéne mwa Mwēne. “Umwene yo Mwanundumiana Gwangu unganigwa. Mpilikila umwe Umwene. Uyo yo Mwene. Uyo yo Yūyo.”

¹⁶⁶ Lilino, mu Lwitikano Ulukūlu akabalilo kako u mwanundumiana yula āfwīkīgwāga, pamo ukubika mu nyumba, i ngamu yake yāli itolo nnunu pa kalatasi bo tāta gwāke āli. Ena, nkulumba. Abene bakali ni . . . Abene bali nu lusāmbō, amasiku gala, i—i kimanyilo, i pete. Kangsi abene babagile. . . [Nkundwe Branham ikupela akogo ka kutika i kigemo—Nsimbi.] Ukufunya pa yēne, ukubīke iyēne, yila ya pete. Yila yāli itolo bo . . . Umwēne āfwēle i pete ya gwīse, ulusāmbō lwāke. Kangsi yila yāli itolo yifwēne bo yi ya gwīse.

¹⁶⁷ Lilino, akabalilo kako Yeso āli mpilikile, Yeso kwa Kyala, Kyala alimbikile Umwene pabuyo-na-pabuyo, “Uyu yo Mwene.”

¹⁶⁸ Lilino, akabalilo kāko u mbakasya apāpīgwe nu Mbepo Mwikemo mu nyumba ya Kyala kangsi asisimikisīgwe ukuya ni fimbilisyo isi mwa mwēne, ukuti Kyala abagīle ukukēta

ulwifimbilísyo, bumanyi, ubufisalyōyo, ubufindang’oma, ikibabilísi kyabukundwe, kangi ubunyakyala, mwa umwene, polelo Kyala ikufūnga umwēne, pamo ukumbikapabuyo umwēne. Kangi, pala, apo po pāpo ugwe kukēta abānabalumiána na bānabalīndwána ba Kyala.

¹⁶⁹ Polelo, Baefesi 4:30 ikuti, “Somma ukunsulumanisya Mbepo Mwikemo gwa Kyala, kũko umwe mufūngígwe mpaka i Lisiku lya kutabuligwa kwinu.” Lilino, mwe bamo ba umwe ba Baptisti aba bikulonda ukukindilila ku buponesigwe Bwabwilanabwila, lilino, linga umwe mwisakwiisa ku bufikilo bula, Une ngwimaga na umwe mu buponesigwe Bwabwilanabwila, linga umwe mwisakwisa ku buyo bula.

¹⁷⁰ Lōli itolo ukuyoba, aligwesa ikuyoba, “Une nilūngísye ku kipanga kya Baptisti. Une ne gwa Presbeteri. Une ndinako u kuponesígwa kwa Syēpwa.” Ubo bo busobi. Ubumi bwako bwene bukusisimikisya ugwe ukaya nabo Ubwene, mpaka Iki kili pala.

¹⁷¹ Kangi Kyala alinkufwika ugwe nukukufūnga ugwe ukwisila mwa Mbepo Mwikemo mu Kitāngalala Kyāke, polelo kukuyako nakumo ukusōka pānja pa ikyēne. Ugwe gwe Kwāsyēpwa uponosigwe. Itika. “Somma ukunsulumanisya Mbepo Mwikemo gwa Kyala kuko umwe mwēsa ni fimbilísyo syīnu syabunyakyala mufūngilígwe mpaka i Lisiku lya kutabuligwa.”

¹⁷² Une ngwitika alipo u Nsīngilígwa uyu asūngulígwe ngāni. Une ngwitika Kyala ukuti Umwēne abagile ukuya “ni Kipānga kisita katononda pamo ulukinya.” Une ngwitika mu kusūngulígwa-ngāni, ukuti u Nsīngilígwa ikusūngulígwa-ngāni. Umwēne ikufimbilísígwa ukuya Kula. Une ngusūbila une ndi nu Mwēne. Ikyo, muketile, une ndi nu Mwene. Lilino ikyene kisyele kwa une ukubomba imbombo ubupoki bwangu bwene na Kyala, mpaka ifindu *ifi* fisisimikisigwe na Kyala, kangi polelo ukufūngilígwa mu Kitāngalala kya Kyala. Pala alipo u Mbepo Mwikemo. Apo po silipo imbombo isyanalolili isya Kyala. “Ikyēne kifūngígwe mpaka i Lisiku lya kutabuligwa.”

Yila yali njosi yake. Une ndinkwinogona iyene yali mmogi.

¹⁷³ Lilino, polelo, akabalilo kako Umwene ikubomba ikyo, akabalilo kako i Kipanga kila kikwisa ku buyo ubu, pamo pa pamwenepamwene, i Kipanga kisakuyaga Kula. Unko une njobege ikyene nalolili kanunu ukuti ugwe kukyāga ikyene. I Kipanga kisūngulígwe ukuya Kula. Une ngulonda ukuya ni Kyene, loli injila yene iyi une nguyaga na Ikyene, ko kuya kiyabo kya Ikyene. Ngimba une nguyaga bulebule kiyabo kya Ikyene? Ukwisila mu kuya mu Kyene. Ngimba une ngwingila bulebule mu Kyene? Nu losyo, nu Mbepo yumoywene. Bakorinti Bakwanda 12, “Nu Mbepo yumoywene ntiga uswe twesa tōsígwe mu Mbili gumogwene.” U Mbili Gumogwene; gōsígwe mu Gwēne.

¹⁷⁴ Loli ugwe ukabagila ukusomeka ifindu ifinini ifi, nukuyoba, “Une njobile mu ndimi. Une ndinayo Umwēne.” Ugwe kubūka panja apa, kangi ukalele, nu kufuyula, nukukīndilila. Muketile? Ikyo ko kubīka amayoya ga ngukundembo mu—mwa kampwekele. Muketile? Ugwe ukabagila ukubomba ikyene. Ubumi bwako bwene bukusisimikisya ukutī ubwene bukaya mma.

¹⁷⁵ Loli akabalilo kako ifindu ifi fikubomba mwa ugwe, ukwisila mwa Kyala, polelo ugwe ufūngiligwe. Polelo kukayapo ukwībikamo nakumo ni kyene. Ugwe uli itolo gwimwene. Ako ko kabalilo kako imboniboni, sipelelesye, Mbepo Mwikemo, imbombo sya Kyala, kilikyōsa, kitēndekīgwe kikubonekela, panongwa yakuti (fiki?) ugwe na Kristi muli yumo. Une ngusubila ikyo kipilikisigwe. Ugwe na Kristi mwīsile ukuya yumoywene.

¹⁷⁶ Une nāli nakyo ikindukimo ikingi une nāsimbile pási apa, une nālonidaga ukwinogonelapo. Ikututwala uswe ku buyo bwa Bumi. Polelo ugwe kuya . . . uli nu Bumi bwa Syepwa.

¹⁷⁷ Lilino, une ndinalyo i lekisikoni lya kiGriki apa, *I Diaglott Yabusisimikisyo*. Une nāfūndile ilisiku limo pa lisyu.

¹⁷⁸ Lilino, mwa Yohani 14, pamo Yohani 3:16, uswe tukwaga, ubuyo bumobwene bukuyoba, “uli nu Bumi *bwabwila*.” Ubuyo ubungi ubwene bukuyoba, “uli nu Bumi *Bwāyēpwa*.” Lōli mu kiGriki, mu lekisikoni gwa kiGiriki . . . Mu kiHiburi, ikyene kikuyoba, “Bumi kisita bumalikisyo.” Mu lisyu lya kiGriki, lili a-i-n-i-o-a-n.

¹⁷⁹ Kifuki ngati “*aeno*.” *Aeon* yo “i fwāsi” iyi yikabagila ukuya, yo mbalilo iyi yikabagila ukubaligwa. Iyēne yo ukukīnda maelifu-elifu, maelifu-elifu-elifu-elifu, maelifu-elifu-elifu.

¹⁸⁰ Lōli uyu yo *aionios* gwa kabalilo, Būmi Bwasyēpwa. Kangi ilisyu lya Kingereza kuli ikyēne lyo Bwāswēpwa. Uswe tumenye ikyēne ukuya Bwasyēpwa, *aionios*, pamo “Būmi kisita bumalikisyo.” Muketile? Kangi linga ugwe uli nu Būmi kisita bumalikisyo, ugwe ubagīle bulebule ukupyūtīgwa? Ugwe gwīsile ukuya kiyabo kya Bwāsyēpwa. Kangi kilipo kyene ikindu kimokyene Kyasyēpwa.

¹⁸¹ Sētāno akaya Gwasyēpwa mma. Umma. Umwēne—umwēne alinkuya Sētāno. Gehena akaya Gwasyēpwa. Gehena āpelīgwe. Ikyēne kikaya Kyasyēpwa. Kangi imibili igi gikaya Gyāsyēpwa. Igyēne gyāpeliigwe.

¹⁸² Loli u Mbepo gwa Kyala yo Gwasyepwa. Ikyene kikālimo nu bwandilo, pamo Ikyene kikayamo siku nu bumalikisyo. Kangi i njila yene iyi uswe tubagile ukuya nu Bumi bwa Syepwa, ukufuma ku lisyu lya kiGiriki, *Zoe*, iki kikusanusya, “Ubumi bwa Kyala Mwene,” uswe tuli nabo, uswe tukwisa ukuya kiyabo kya Kyala akabalilo kāko uswe tukuya banabalumiana na banabalīndwāna ba Kyala, kangi uswe tuli na *aionios* Būmi.

Polelo ikiyabo iki kikuya kyumi, uswe, iki kikwāgània i Lisyu ili, ukufuma *apa* ukubuka *kula*, iki kikwāgània, bo Būmi bwa *aionios*, “Būmi kisita bumalikisyo.” Ubwēne bo Būmi bwa Kyala Mwēne mwa uswe. Amen. Whuu!

¹⁸³ Iisiku limo, pa bwendo, une nāli nu buyobesanie, u Jehovah Witness. Lilino, kisita kuswaya kwa lwitiko lwa aligwesa. Uswe tuli nabo bapinduki bīngi ba bēne bitugesye apa, ukufuma ku Jehovah Witness. Yumo mwa bakyunga-fyuma fyītu āli Jehovah Witness, *āli*, kangi āpokigwe, umwēne ni kikolo kyāke. Ugwise āli mbali; Nkundwe Wood na bene. Bōsa ba bakundwe na bakalumbu bake lilino, ukufwana bosa ba abene bīsile mula, bāmbilīle u Mbepo Mwikemo, panongwa ya mboniboni sya Kyala sikubabūla abene iki abene babombile. Kangi ifi abene . . . Muketile? Ikyo kyābombile ikylene.

¹⁸⁴ Lilino, lōli apa, Yehova Witness mwa būku gwābo, ilyēne likuyoba ukuti u mūyi ugu ugwe kutuya go moyo. Lilino, ikyo kikabagila ukuya kitalusye. U mūyi ugu ugwe kutuya gukaya moyo mma. Linga ugwēne guli, ugwe gwe—ugwe gwe akabalilo kamo ugwe uli nu luko lumo lwa moyo, akabalilo akangi ugwe uli munduyumo uyungi, atūyile u moyo gula. Kēta kūko ugwe ubagile ukuya. Lilino, u mūyi go mbelo, kangi umbelo go ugu ugwe kutūya mu mbulo syāko.

¹⁸⁵ Lilino, abēne bikwēga i Lisīmbo ukufuma kunyuma, “Kangi Kyala alinkutūya u Mūyi mu mbulo syāke, kangi umwene alinkuya moyo mumi.” Lilino, une ngulonda ukukulalusya ugwe i kindukimo. Linga umwēne āli mundu, lo luko luki ulwa mūyi ngimba umwēne ātūyāga bo Kyāla akāli ukutūya u Mūyi Gwāke gwa Bu/mi mu mwēne? Muketile? Ngimba lo luko luki ulwa mūyi? Umwēne ātūyāga, u nnyāmbāla u mūmi. Ena, polelo, linga ikyo kikuya lulo, polelo ikinyamana kilikyosa kyo moyo gwa bumi, panongwa yakuti abene bikutuya u moyo gwa mundu, kangi u moyo gwitu, kangi fyosa palikimo. Polelo Yeso āngāli atikufimbilisigwa ukufwa. Ilikemo lya kinyamana āngāli lifwēne. Muketile? Popāpo, nkundwe, ililīnganio litikwīma mma.

¹⁸⁶ Loli iki Kyala ābombile, Umwene atūyigwēge u Mūyi bwa Būmi Bwasyēpwa, ameni, polelo umwene alinkuya moyo gwa būmi, u moyo ugu gukabagila ukufwa. Lilino kētēsya lilino. We uswe tukuya pakufika mu lūki, mpaka ku fikōho fyīnu. Kētēsya. “Ātūyile u Mūyi gwa Būmi Bwāsyēpwa mu mbulo syāke, kangi umwēne alinkuya moyo Gwāsyēpwa.” Nongwa yakuti, Kyala ātūyile, komma iki ikipeligwa kyābōmbīle, lōli iki Kyala ābōmbīle, ātūyile u Mūyi gwa Būmi mu mbulo syāke, kangi umwēne alinkuya mōyo ugwa būmi.

Polelo ugwe kuyoba kwa une, “Adam āfwile, Nkundwe Branham.”

¹⁸⁷ Loli kumbukilaga, bo Adamu akáli ukufwa, umwene áli na kang’osi uyu álintabwile umwene. Aleluya! “Bala bábo Umwene ábamanyíle-ngâníla, Umwene ákólíle.” Umwene ályégile kang’osi ukubatabula abene. Umwene aali kyakwimila. Adamu alinkugwa. Polelo u kang’osi ápègígwe kuli Adam, panongwa yakuti pátalile mu mbulo syáke ukuyapo u Müyi gwa Kyala Gwásyèpwa, kangí umwene alinkuya moyo gwa bumi. Umwene áli mwanundumiana gwa Kyala.

¹⁸⁸ Komma u müyi gwake, bo lisyu lya kiAfrika. Une ngamanya iki i lisyu lya kiGiriki lyo panongwa ya kyène, lululu lilino. Lóli i lisyu lya Afrika, abène bikukóléla *amoyah*, ili likusanusya, “u mbelo; u bugute ubusita kuboneka.” Ifinyamana fikutúya amoyah. Abatulwanongwa bikutúya amoyah.

¹⁸⁹ Polelo nongwa ya fiki uswe twabagilága ukusukulika panongwa ya Būmi Bwásyèpwa, linga ugo go moyo Gwasýèpwa gutúyílígwe mwa uswe nu müyi? Nongwa ya fiki uswe twabagilága ukusukulika panongwa ya Būmi Bwásyèpwa? Ubwène ukugomokesyapo, nkundwe. Muketile? Ikyene—ikyene—ikyene itolo kikabagíla ukubomba ikyene.

¹⁹⁰ Lóli, Kyala, fiyofiyo pa Adam, átúyile u Müyi gwa Būmi Bwásyèpwa, kangí umwene alinkuya mūndu Gwásyèpwa na Kyala. Umwene áli na maka ngati Kyala. Umwene áli kyala gwakumanyilila. Umwene áli kyala gwa kisu; komma Kyala gwa ku Mwanya, lilino. Kyala gwa kisu!

¹⁹¹ Kangi ilisiku limo abānabalumíána ba Kyala bisakuyaga kāngi bākýāla. Yeso áyobíle lūlo. “Ngimba ikyène kikasímbígwa mu lulagílo lwīnu, ‘Umwe mwe bakýala?’ Polelo linga umwe mubagíle ukukóléla bala bábo Umwene ákólíle kyala, uyu Kyala ayálinjatíle, umwe mubagíle bulébule ukundobesya Une, yoba, akabalilo kako une nguyoba une ne Mwanundumiana gwa Kyala?” Muketile? Lilino uswe tukwisa mu kindukimo ikisolofu. Lilino kétésya iki akabalilo kāko uswe tukukyīngisya ikyene pási.

¹⁹² Lilino, apa abène bali. Umwene yo lilino mwanundumiana gwa Kyala, lóli umwene ikuténdéka ubusobi. Umwene amenye umwene ikubōmba ubusóbi. Lilino kumbukilaga, Adamu akásyobígwe mma. I Bāngéli lyáyobíle lūlo. Timoti Gwākwānda 3. “Adam akásyobígwe mma, lóli u nkíkúlu ásyóbígwe, áli mbutulwanongwa.” Adamu alinkwenda na Eva, panongwa yakuti umwene áli nkasi gwāke.

¹⁹³ Lulalula bo yu Kristi, komma ukusyobigwa na Sétano, loli alinkwenda mu bufwe nu Nsingiligwa. Umwene alinkubuka ukuya nu Nsingiligwa, ukuti Umwene ábagile ukutabula i Kipanga.

¹⁹⁴ Adam aamenye umwene aali nsobi, polelo umwene itolo alinkusooka panja na Eva. Muketile? Loli aalipo akang’osi aapeegigwe panongwa ya bene, ukuti abeene batabuligwe.

195 Kangi tung’osi utu, umwisyugu, ikyo kyo kumanyilanganila na Kyala, kangi Kyala akōlile, aliko u Ntabuli. “Nayumo umundu abagile ukwisa ku Myangu penepapo Tata Gwangu ikunkwaba umwene. Kangi bosa aba Tata ambele Une bisakwisaga kwa Une.” Uko kotalusya? Polelo pala alipo u Kang’osi umpīgwe, ukufuma ku lwalo lwa kisu, kuko ingamu syabo syābikīgwe mwa Buku gwa Búmi gwa Kang’osi. U Kang’osi apegigwe, ukutendeka injila ya ipyana kuli aligwesa gwa bene ukubuka mu busyuke, u Kang’osi umpēgígwa; Kang’osi gwa Adamu, lilino ketesya, bo Adamu ali na kang’osi akapēgígwe.

196 Lilino, ikyo kyo Kipanga umwisyugu. Une ndikusanusya i—i kipanga. Umwe mumenye fiki?

197 Une ndikuyoba iki ukuya gwamahelu, kangi une ndikusanusya ikyene ukufulasya ubwipilike bwa yumo. Une ngaya apa ukubomba ikyo, bo une ngwilingania nimwene. Une ndi apa ukubatula, loli ifi une ngugela ukubomba . . .

198 Umwe mumenye fiki? Naloliloli, ifipanga ifi fikaya fipanga. Kilipo itolo i Kipanga kimokyene. Ifi fyo fyakugonelámo. Muketile? Ifyēne fyo fyakugonelámo. Une ngaya nakyo nakimo . . . Ikyēne kyo kyōsa kitalusye. Lōli une—une ngulōnda ukusisimikisya ikyo kwa umwe, mu maminiti manini, ukuti ifyēne bo itolo ifyakugonelámo. Ugwe guli gwa kyakugonelamo Methodisti, ku kyakugonelamo Presbeteri, pamo ku kyakugonelámo Pentekosti, na mbutali mūmo ikyo kikubūka. Ena, um-hum. Ifyakugonelámo! Muketile? Ugwe ukabagíla . . . Muketile? Ifipānga fyo naloliloli fyakugonelámo kūko abāndu ni fūndo simosyēne sikusemela palikimo.

199 Loli i Kipanga kyo Kimokyene. Kangi ugwe ukabagila ukwingila i Kipanga. Ugwe upāpīgwe mu Kyēne. Kangi akabalilo káko ugwe upāpīgwe mu Kyēne, ugwe uli mbakasya ya Ikyēne.

200 Itolo bo ikikolo kyāngu. Une nāli nkikolo kya Branham ku fyīnja malongo-mahano-na-fitatu. Abēne bakansūmāmo siku ukwīngíla nkikolo. Fiki? Une ndikufīmbilisigwa mma ukwīngíla i kikolo. Une nāpāpīgwe u Branham.

201 Kangi ugwe upāpīgwe mu Kipanga. Lilino, ifingi ifi fyo fyakugonelámo. Ngimba umwe mwinogonilémo ikyo? Ena, nkulumba.

202 Iisiku limo une nāsēngāga ilīsu, kangi une nīnogonāga isya, mulimōsa, “Ikikulumba ikíkēmo kipānga kya Katolika,” abēne bikukikōlèla ikyēne. Une nākīndililāga bo lula, ngusēnga.

203 Kangi i Kindukimo kilinkunyimika une, itolo ukuya nkafu, kilinkuti, “Komma ukukikōlela ikyo Ikyo.” Une ndinkukelengania. Une ndinkwanda ukukīndilila ukusēnga. Kangi Ikyene kilinkunyimika une, kilinkuti, “Komma ukubakolela abene Kila.” Alinkuti, “Abene bo bugono, bo

abangi. Abene bakaya Kipanga mma. Kilipo i Kipanga kimokyene.” Muketile? Abene bo mbakasya ya kubugono, panongwa yakuti ugwe ubagile ukwingila mu kubugonelo. Loli ugwe ukabagila ukwingila i Kipanga. I Kipanga, ugwe upāpīgwe mu Kyēne. Ugwe kuya mbakasya ya Ikyene ukwisila mu Kupāpīgwa ukupya, polelo i mbakasya ya Kikolo, u nkundwe pamo kalumbu mu Kyēne.

204 Lilino unko une mbabāle umwe itolo mu *U Diaglott Yabusisimikisyo* apa, ikindukimo, ikya Busetuli 17:3, kangi u Busetuli bwa *U Diaglott Yabusisimikisyo* apa. Kangi itolo ubētuya iki, mūmo iki kikubala, kangi mūmo—mūmo kiyilile ubumogi ikyene kikufwanikisania itolo na ikyo. Busetuli 16, 17. Umma ndaga. Lilino unko uswe tubale apa itolo i miniti. Pilikisya ku iki, naloliloli kifuki, Busetuli 17:3.

Kangi yumo mwa BALA ABAHANO-NA-BABILI a Bāndumi bali. . . Inyāngabia IHANO-NA-IBILI alinkwīsa kangi alinkuyoba kwa une, . . .

205 Une ngubalila umwe, ukufuma mu *I Lekiskoni*. “Bali . . .”
 . . . “*Isaga, Une nisakukunāngisyāga ugwe u BULŌNGI ubwa UNKULUMBA YULA UNDOGWE, uyu ikwitūgāsya pa Misi Mīngi;*

206 Kangi uswe twesa tumenye ukuti ikyo kyo Vatican. Apa uswe tuli nagwe *Unjāti Gwītu Gwapandungu* nkati mula, ukufuma ku kipanga kya Katolika, ukutubula uswe katikati itolo iki ikyene kili. Muketile?

207 Kangi ilyāmúlo ili ku lyēne, alinkuti, “Lōli gūlīla i miniti.” Alinkuti, “Lulipo uluko losa lwa ngamu,” alinkuti, “kibagile ukupela abamia ntāndatu-na-malongo-ntāndatu na ntāndatu.”

Une ndinkuti, “Loli gulila panandi.”

Alinkuti, “Ingamu yako yibagile ukupela abamia ntāndātu . . .”

208 “Lōli,” une ndinkuti, “Une ndikwitūgāsya pa twāmba tuhano-na-tubili, ukulagila ikīsu, palema, umwe muketile.” Uuhuu! Muketile? Uko ko kotalusya. Muketile?

209 [Nkundwe Branham ikubala Busetuli 17:1 ukufuma ku *U Diaglott Yabusisimikisyo*—Nsimbi.]

. . .kukunāngīsyā ugwe u BULŌNGI UBWA UNDOGWE UNKULUMBA, uyu ālitūgēsye pa Mīsi Mīngi;

210 *Mīsi*, Busetuli 17:15, go “bupapate ni ifilundilo fya bāndu.” Muketile?

na yūyo ABANYAFYALE BA KĪSU basulilwe ubulogwe, kangi ABITUGASYI BA KĪSU bapeligwe ukugāla nu BWĀLWA bwa . . . u BULOGWE bwāke.

211 Lilino fiki?

Kangi umwene alinkundōngòsya une, mwa u Mbepo, ukubuka ku Lulangalanga; . . .

212 *U Diaglott Yabuisimikisyolilino. Muketile?*

. . .kangi une nālimbwene u Nkikulu itugesye pamwanya pa Kinyamana ikyalāngi ingesefu, iswile ni Ngamu Ihēlūle, . . .

213 Lilino, mwa Mwalafyale James, ikuyoba, “iswile ni ngamu sya mahelu.” Itolo pa kabalilo, kangi une nisakutwālāga ikyēne apa, itolo i miniti. Busetuli, untu gwa 3. Umma ndaga, apa ikyēne kili. Umma ndaga. Busetuli, une nāsanusyāga 17, komma 7; 17, lilino pilikisya pa linandi lya 3.

Kangi umwēne ālimbimbile une kubutali mwa mbepo ndulangalanga: kangi une nālimbwene u nkikulu itugesye pamwanya pa kinyamana ikyalāngi ingesefu, iswile ni ngamu sya mahelu, . . .

214 Iyo yo njila i Kingereza kikupa ikylene. Loli ikiGiriki ikyapakwanda ukufuma ku *U Diaglott* gikubala ilyene bo ulu, mu Busetuli 17:3. Pilikisya.

Kangi umwene alinkundōngòsya une, mwa u Mbepo, ukubuka ku Lulangalanga; kangi une nālimbwene u Nkikulu itugesye pamwanya pa Kinyamana ikyalāngi ingesefu—Kinyamana, iswile ni Ngamu sya Mahelu, . . .

215 Ubo bo bukīndàne bwīngi, ukufuma “i ngamu sya mahēlu” ukubūka ku “ingāmu inhēlūle.” Ngimba ikylene kyo fiki? Kangi uswe . . . Lilino, umwene aali:

. . . U MĀMA GWA BALÓGWE . . .

216 Uswe twesa tumenye ikyo. Loli ikylene kyo fiki? [Unkundwe ikuyoba, “Ikipanga kya Katolika gwa Roma.”—Nsimbi.] Ugwe utikufimbilisigwa ukuya . . . Ena, uko ko kotalusya, ikyo kibagile ukwēga i kipanga kya Katolika gwa Roma. Lōli umwēne yo “iswile ni ngamu sya mahelu,” baMethodisti, baBaptisti, baPresibeteri, baLuteri, bōsa bikwīkōléla bēne, “fipānga fya Kyala.” Ingāmu inhēlūle! Ukukīndāna ku kwīngi pakati pa “ngamu sya mahēlu” na “ingāmu inhēlūle.” Bikwikolela bene, “i Kipanga kya Kyala,” kangi ukwiyimilila bene pabutasi bwa nkisu; kangi isekelo sya makadi, nu kunwa, nukukīndilila nkyēni, kangi imigonelo gya mposya, na filifyōsa ifīngi, kangi uluko lōsa lwa findu fikubūka.

217 Kilipo kyēne i Kipānga kimokyēne. Ugwe upāpīgwe mu Kyēne. Ugwe utikwisaga nkati Mula mpaka ugwe usukīgwe mu Lilopa lya Kang’osi nukufūngigwa na Mbepo Mwikemo.

218 Ko kukīndāna nki pakati pa “ngāmu isya mahēlu” kangi “ingamu inhēlūle.” Mukupilikisya ikylene? [Ikilundilo kikuyoba, “Ameni.”—Nsimbi.]

219 Une nakikolile ikyo ulubunju ulu akabalilo kako une ngubala apa, i . . . Kwisa pasi, Ikindukimo itolo kilinkumbula une, “Buka nkyũmba kyãko. Sala *U Diaglott*.”

220 Ena, ulwene lo itolo lupilikilo. Ikyo kyo kyosa. Ngwĩngila mula. Kangi une ndinkusalámo Busetuli 17. Une ndinkwinogona, “Nongwa ya fiki Ugwe kulonda une mbale iki?” Une ndinkwanda ukubala. [Nkundwe Branham ikukuba ulobe lwake—Nsimbi.] Nakalinga itolo bo une nkitikile ikyene, “Pala ikyene kili.” Une ndinkusala ilisimbilo nukusimba ilyène pãsi. Une ndinkuti, “Pala ikyène kili.”

221 Lilino, abène bikuywēga isya une ukubāya ukulwāna ni fipānganio. Isyene syo ngamu inhēlūle sila, aba bikwikolela bene, “fipanga fya Kyala, kangi ifipanga fya Kristi, ni fipanga fya Methodisti, ni fipanga.” Ikyene kyo fyakugonelámo, komma ifipanga.

222 Kipanga Kimokyene, ikyo kyo Kipanga kya Ntwa Yeso Kristi. Kangi ngimba Ikyene kyo fiki? U Mbili gwa Yeso Kristi ugwambutitu gukubōmbabōmba pa kisu, gutēndekigwe ni mbakasya sya filifyōsa fya filūndilo ifi, ifi fibagile ukuya mbakasya sya Mbili gwa Kristi. Ugwe kufimbilisigwa ukupāpigwa mu Kyēne, komma ukwĩngilámo mu Kyēne.

223 Kangi ukwingila mu kyene, syosya ingamu sya mahelu, unkikulu uyu. Unkikulu uyu, a maka gake!

224 Kangi umwe mukukēta lululu lilino kūko abène bikuyaga pakubēga bōsa abāndu aba bali ni nyīnogono ihēsya isya bwīpūti, nubakutuma ku Alaska. Umwe mukibwēne ikyo. Syōsa isya nyītiko syītu ihēsya.

225 Kangi ngimba ikyene kyo fiki? Ikibugutila, i World Council of Churches kangi aba Katolika bāli nafo ifyābo ifinywāmu ifya-kubōmba fikukīndilila mu Vatican lilino, ukukilania kula, kūko abène bikugela. Kangi bosa a babishopu, na bosa bo abo, abène bikugela ukwisa ku bwitikisyo, ukulwa ikikomyunisti. I kīsu kikulwa ikikomyunisti, kangi itolo ukwilūngisānia ni Kikatolika.

226 Ikyene kifwene itolo bo ikyene kiyilile umwisyugu. Apa uswe tulipo, bo une njobile. Uswe tukubūkága . . . Uswe tuli kifuki pa basitahela. We tukwāsima, tukutāga ihela lilino, pa sōngo isi sisakuhōmbigwa ifyīnja kalongo na fina ukufuma mwīsyūgu. Umo mo mbutali mūmo uswe tubūkile. Ngimba ywāni ali ni hela sya kīsu? Ikipanga kya Katolika. Iyene angali yikwāsimidgāga bulebule ku United States? Ukukyūnga aga amakāmpani ga ngāmba na kachasyo ni fīndu. Nalōli, abène bisakwāsima iyēne ukufuma ku bēne. Akabalilo kako abène bikubomba, abene bikulisya ubukusi bwa kupapigwa kwabo, kulakula pānja, ku kipanga kya Katolika gwa Roma. Uswe tukwibungānia. Kētésya iki, itolo kyapabwelu, kyāpabwelupo ukukinda ukubala i kalatasi ya nōngwa. Apa ikyene kili. Muketile?

227 Abene bo ba Methodisti, Baptisti, Presbeteri, na fyosa, bikwikolela bene, “i Kipanga kya Kyala.” Katolika na lōsa ulu uluko lwa fīndu go aga amaka gakinyamana gīs̄wile ni ngàmu inhēlūle. Ukwikōlela gwimwene, “Une ne . . .” Une ndinkuti . . .

228 Une ndinkubuka ku kipatala apa, pakaya patali mma, nayaga pakwīputīla u mūndu. Une ndinkuti, “Uswe tukuyaga pa . . .” Umwene aali yo mama gwangu. Une ndinkuti, “Uswe tukuyaga nu lwiputo kuli mama.”

Kangi u nkīkūlu alinkuti, “Kwāba gala amakātani.”

Une ndinkuti, “Ngimba ugwe ukaya Nkristi?”

Umwene alinkuti, “Uswe twe baMethodisti.”

229 Une ndinkuti, “Ndaga ugwe. Une ndinkwinogona lumu ugwe gwāli mwitiki.” Une ndinkukwaba itolo ikikingo ukusyungutila pa une. Muketile? Polelo, linga ugwe ukaya Nkristi, ikyo kyo kikindane. Muketile?

230 Loli, “Uswe twe baMethodisti,” ago go mahelu. I kinyamana, ifipanga, fikukōlelīgwa fipanga, abēne bakaya fipanga. Unko une njege nsisimikisye ikyo kili pa busīmbigwe. Ena. Ifyēne fikaya fipānga mma. Ifyēne fyo figono. Abāndu bikwīyīngisya mu fyēne.

231 Loli ugwe ukabagila ukwingila i Kipanga kya Kyala gwabumi. Ugwe upāpigwe mu Kyene, ukwisila mu lōsyo lwa Mbepo Mwikemo. Kangi akabalilo kāko ugwe gosīgwe nu Mbepo Mwikemo, ifimbilīsyo isi sifūngilīgwe mwa ugwe, nu Mbepo Mwikemo, kangī polelo, “Umwene uyu apapigwe mwa Kyala atikutulwa ubonangi.” “Ukabagīla.” Mwaketa lelo umwe. O, mwe!

Uswe itolo tukuyoba i lisiku lyosa, bule uswe?

232 I Kipanga kyo Mbili gwa Kristi ugwambutitu, gupapigwe ukufuma ku Mūyi gwa Kyala. Ooo! Ngimba umwe mukipilikisye ikyene? [Ikilundilo kikuyoba, “Ameni.”—Nsimbi.] I Kipanga kya Kyala kipāpigwe ukufuma ku Butūyo bwa Kyala. Kyala ātūyile mu mbulo, mwambepo, isya Adam, kangi umwēne alinkuya moyo mūmi. Ngimba umwe mumenye abapentekosti, pamo i Kipanga ikyabwanaloli ikyapentekosti, kipāpigwe ukufuma ku Mūyi gwa Kyala?

233 Unko une mbabālīle umwe ikindukimo, itolo i miniti iki kili pa kyēne. Unko une ngēte, itolo i miniti. Mwikemo Yohani, une ngwitika, kūko une ngubūka. Uswe twisakusyaganiaga ukuti kali i Kipanga kya Kyala kili, pamo mma. Mwikemo Yohani, unko uswe tukēte, une ngwitika ikyo kyo kufwana 16, 19; 20. Umma ndaga. Apa une ngusubila uswe tukuyaga nagwe umwene, papapa apa. Umma ndaga. Unko une mbabālīle umwe, nukukēta kali i Kipanga kipāpigwe ukufuma ku Mūyi gwa Kyala, pamo mma, bo Adamu āli ku bwandilo. Kētésya.

Kangi i lisiku lilalila ku namayolo, ukuya lisiku lyākwānda ilya ndungu, akabalilo kāko ififigo fyāligalilígwe kangi abafūndígwa bālibungenie ku lutēnde lwa baYuda, Yeso alinkwisa nukwīma pakati pa bene, nu kuyoba ku bene, Lutengano luyeye kwa ugwe.

Kangi akabalilo kako umwene aayobile lulalula, umwene aanangisyaga...amaboko gake nu lubafu lwake. Kūko...Polelo bāli abafūndígwa basangalufu, akabalilo kāko abēne bālimbwéne u Ntwa. Kangi Yeso...

Kangi polelo alinkuyoba Yeso ku bene kangi, Lutengano luyeye kwa ugwe: mumo Tāta gwangu abōmbile andumile une,...polelo ngubatuma une umwe.

234 Kētésya. U Tāta uyu ālindumile Umwēne ābūkile mwa Mwēne. Kangi Yeso, akabalilo kako Umwene ikutuma u mfūndigwa, Umwene ikubuka mwa umwēne. Yulayula Yuyo ātumile; Kyala.

Kangi akabalilo kako umwene aayobile iki, umwēne alinkutūya pa bēne, kangi alinkuti...Ambilila umwe u Mbepo Mwikemo:

235 Kipanga, kipāpígwe nu Mūyi gwa Kyala! Akabalilo kāko ubupime ubu bwīyēngile bwēne mmwanya mula, mu kayilo, u Mūyi gwa Kyala pa bēne, “Ambilila u Mbepo Mwikemo,” polelo ugwe gwe mwanundumiana gwa Kyala. Ugwe ubagile ukwingila kilikyosa iki ugwe kulonda, lōli ugwe upāpígwe mu Kipanga kya Kyala gwābūmi, upāpígwe mu Mūyi gwa Kyala. Kyala atūyile pa bene, kangi alinkuti, “Ambilila umwe,” whuu, “u Mbepo Mwikemo.” O, mwe! Mwaketa lelo umwe.

236 Komma, “Isaga nukwingila, bika ingamu yāko nkati mula.” Kangi ifyākulya fya mposya fyīnu kangi bōsa bikubūka ni kyēne, ugwe kwīngila u bugono. Ugwe ubagile ukwingila mu bugonelo bwa Methodisti, kubugonelo bwa Baptisti, kubugonelo bwa Presbeteri, kubugonelo bwa Katolika, pamo kubugonelo bwa Pentekosti, kalikosa ugwe kulonda ukwingila, loli ugwe kwingila kubugono.

237 Loli akabalilo kako ugwe uli mwana gwa Kyala, ugwe upāpígwe nu Mūyi gwa Kyala. Amen. Kinunupo kileka kyene ikyene, palapala pala lilino. Umma ndaga.

238 Ubūmi bwa Kyala bo pōpe buli mwa ugwe, Yeso āyobīle. Iminiti yimoyene itolo. Yeso aatile, “Une ne Mpesa. Umwe mwe sām̄ba.”

239 Lilino kēta. Ngimba fyali fyo fiki fyakumana fyābo na Yeso? Ifyakumana fyabo na Yeso, panongwa yakuti Umwene aali Mundu ikwitendeka Mwene ukuya Kyala. Umwene aali Kyala. Kyala aali mwa Kristi. Muketile? Kangi Umwene alinkubabula

abene. Umwene alinkuti, “Kangi komma ukungeta Une. Ikyene akaya Une mma. Umwene yo Tata Gwangu, kangi Umwene ikwitugasya mwa Une.” O! Muketile?

²⁴⁰ Lilino, abene bāketaga ku mbili unnini gula ugu gwāpapigwe mwa Mariya. Muketile? Yula akaali Kyala mma. Yula āli Mwanundumiana gwa Kyala, lōli Kyala āli mu Mbili gula. Umwēne āli Kyala. Umwene alinkuti, “Linga Une ndikubomba imbombo sya Tāta Gwāngu, polelo ndobesyāga Une. Loli aliku gwa umwe abagile ukundobesya Une isya butulwanongwa, ukusitakwitika kwa Lisyu? Lyo Lisyu nki ili Kyala āyobīle ili ilyo likafwanikisīga mwa Une?” Ubutulwanongwa ko kusitakwitika. “Ngimba yo aliku gwa umwe mukunstāka Une panongwa ya butulwanongwa?” Ubutulwanongwa ko kusitakwitika. “Nāngisya Une. Linga une ndikubomba imbombo sya Tāta Gwāngu, polelo komma ukunyitika Une. Loli linga une ngubomba i mbombo sya Gwāngu. . . Palema nalinga umwe mukabagila ukunyitika Une, itikaga i mbombo iyi Une ngubomba, kabuno isyēne sikubikīla ubuketi.” Munjila iyingi, “Tata ali mwa Une, ikubikil’ubukēti isya Mwene.” Panongwa yakuti, “Kyala āli mwa Kristi, ukusayana ni kīsu ku Mwēne.” Umwe mukupilikisya ikyēne? [Ikilundilo kikuyoba, “Ameni.”—Nsimbi.]

²⁴¹ Ena, lilino, u Būmi bulabula ubu buli mu Mpesa go gōpe guli mu lusāmba. Ugwe kwisa kwīlūngisyāga bulebule mu Ikyo? Ikyēne kikabagīla.

²⁴² Une nāgubwēne umpiki pakaya patali mma, mu lubīngilo lwa Nkundwe Sharrit mu Arizona, syāli ni fipaso fyalūki lwēle-na-kimo ifikīndāne pa kyēne. Ngimba kyāli kyo fiki ikyēne? Ikyēne kyāli i—ikyēne kyāli u mpiki gwa lūki, u lūki gwa kimbwēla. Lōli ikyēne kyāli nu—ikyēne kyāli ni—ni lindimu, u tanjarini, u tanjelo, kangi ikyālūki ikisitakunoga. Ikyēne kyāli nu luko lōsa. Une ndinkwīma, ndinkukēta ku mpiki gula. Kangi une ndinkuti, “Nkundwe Sharrit, ugwe kusanusya ukumbula une ukuti ikipiki kila yo mpiki gwa lūki?”

Umwene alinkuti, “Naloliloli.”

²⁴³ Kangi une ndinkuti, “Ena, bulebule? Fikuya bulebule?” Une ndinkuti, “Une ngukēta ulūki unsitakunoga *apa*, kangi u tanjarini *apa*, tanjelo *apa*, kangi ilindimu *apa*, kangi ifipaso fyosa ifingi ifi. Ngimba ikyēne kikwiisa bulebule?”

Umwēne alinkuti, “Mulimōsa, ugwe uketile, ifyēne fisomekīgwe nkati.”

²⁴⁴ “O!” Une ndinkuti, “Ena, une ngulonda ukukulalusya ugwe i kindukimo. Lilino, ugwe kutūngūla ikyālūki ikisitakunoga iki ni lindimu lila. Lilino, ikyinja kya kilabo, ikyene kikuyaga fiki? Ikyene kikūsōkaga panja polelo nu lūki ukufuma mu kila.”

“O, umma.” Alinkuti, “Ikyene kisa kusōkaga ni lindimu pa kyene. Muketile?”

“O,” une ndinkuti, “ndaga ugwe.” Muketile?

Ugwe ukabagila ukubomba ikyo. Ugwe ukabagila ukwingila nkati.

²⁴⁵ “Lōli,” umwēne alinkuyoba, “akabalilo kalikōsa aka umpiki gula gukufika pakyīnja kimo mbukusipo nukubika pānja isāmba imbya, ikyene kikūsōka panja na bālūki, linga ikikōngōti kyēne kikumesya ulusamba.”

²⁴⁶ Kangi iki uswe tugelile ukubomba ko kulungasania imbakāsya mwa Umwene, kangi uswe tukwitugasya pāsī pa ngamu ya Kikristi. Panongwa yakuti, uswe tuli, mūmo ikyēne kili mu njila iyabwīla iya kuyoba uswe twe kipaso kya bākikolo kya lūki, i Kipānga Kyakristi.

²⁴⁷ Lōli līnga u Mpesa Gwēne gukumesya u mpesa, ikyēne kisakuyaga ngati u Mpesa gwapakwānda Ugwēne gwāmesisye. Linga Umpesa gwakwānda Ugwēne gukumesya, abēne balinkusimba u Būku gwa Imbombo ukufuma ku Gwēne; linga Ikyene kikūsōsyamo siku panja ikingi kimo, Ikyene kisakusimba ilibuku lya mbombo kunyuma kwa Ilyene. Kutalusya.

²⁴⁸ Popāpo, ugwe itolo kwīlūngīsyā mbugonelo. Lōli akabalilo kākō ugwe upāpīgwe ukufuma mu Mpesa . . . Ugwe uli ni kipaso. Uko ko kutalusya. Ugwe uli ni kipaso, lōli ngimba ugwe kubombaga fiki ni kyēne? “Ugwe uli nu luko lwa bunyakyala, loli kukana a maka aga gali mūmo.” Umwe mukukana ifimanyilo. Umwe mukukāna ifiswīgo. Umwe mukukāna u Mbepo Mwikemo. Umwe mukukāna ukuyoba mu ndimi. Umwe mukukāna imboniboni. Umwe mukukāna isololi. Umwe mukukāna ububūmbulūsyō. Kangi, lōli, “Mukwīkōléla mwībēne ingamu.” Yo nongwa u Mbepo Mwikemo aayobile, “A maka, aga fibugutila fya bandu, kiiswiile ni ngamu inhēlūle, naloli, bikwikolela bene, ‘Bakristi.’” “Nu luko lwa bunyakyala, loli ukukana a maka aga galimo. Ukufuma ku luko ulu sōkako, kabuno ulu lo luko ulu lukulongolela abakikulu abatoyofu bisusīgwe ni finyonyo ifikindane.”

²⁴⁹ Lōsa uluko lwa fipānganio! I kipānga kikulūndika fīngi fīyo, nu luko *ulu* lwa kibugutila, kangi *lūla* uluko lwa kibugutila. Ngimba bule i kibugutila kya Yeso Kristi? Muketile? Uswe tuli nafyo ifindu fyosa ifingi ifi, kangi uswe tukibīndikīsyē i kipanga pāsī. Lilino mwaketa umwe lelo.

Umwe mukabagila ukwīlūngānia ku Kipānga.

²⁵⁰ Ugwe kwingila kubugono. Ugwe uli mbakasya ya kubugonelo, ikya kibugutila kya bandu, itolo bo kubugono. “Uswe tukwitika mu *iki*. Uswe tuli ni mbātiko syitu. Uswe tuli ni syākubutitu syitu, na fyosa.” Umwe mukubōmba injila yilayila, pene pakuti umwe mukwīlūnga ku kipānga ikikōleligwe-lūlo.

²⁵¹ Loli ugwe ukabagila ukwingila i Kipanga. Ugwe gwālilūngīsyē kubugonelo bwa mbakasya, lōli komma i

Kipanga, namanga ugwe upāpígwe mu Kipanga kila kangu u Mpesa Gwēne.

²⁵² Lilino gulila i miniti. Kētésya. Une nisakwígala, ukufuma pa kabalilo. Kētésya. Nhobokela une. Une—une ngāsanwísye ukuyoba ikyo. Kētésya. Kēta.

²⁵³ Linga Kyala ālūngusyāga u Nsingiligwa uyu palikimo nu Mbepo yula, polelo Ikyene kikulūngusya abandu palikimo na Mbepo yula, muketile, polelo ugwe upāpígwe mu Kitangalala kila. Kangi polelo u Būmi bulabula ubu bwāli mu Kipanga *iki*, buli mu Kipanga *kila*, kangu *Kila, Kila, Kila, Kila, Kila*. Kangi u Būmi bulabula ubu bwāli mu nkyēne, u Mpesa, Yeso, buli nkati mwa mbakāsya iyi Umwēne amesisye. Lwīmiko! “Ni findu filafila ifi Une ngubomba, imbombo isi Une ngubomba, numwe mwisakubombaga.” Apo po alipo u mbakāsya ugwanalōli gwa Mbili gwa Kristi, nalumo u luko lwa ngāmu lubīkígwe pa Kyēne. I mbombo silasila isya yula pamwene sikusisimikisya kūko umwēne ikufumilako. U būmi bwāke bukubikil’ubukēti iki umwēne ali.

²⁵⁴ “Ngimba ugwe gwe mbakasya nki? Mbili muki ugwe gwīngile?” U Mbili gwa Kristi. “Ena, ko kugu kuko ugwe gwīngile Ugwēne?” Une ngābombile mma. Une napapigwe mu Gwēne. Muketile? Une napapigwe mu Gwēne.

²⁵⁵ Ugwe utikufimbilisigwa ukubabūla abēne. Abēne bamenye iki kibonike. “Ugwe, ubagile bulebule ukwāsya i kandulo nukubīkāpo ikyakukīnga pala pa lyēne?” Umwēne āyobīle. Muketile? Umma, umma.

²⁵⁶ Akabalilo kako ugwe upāpígwe mu Kitangalala kya Kyala, polelo u Būmi, u Būmi bulabula ubu bwāli mwa Yeso. Polelo ugwe gwīkyēlīle mu myoyo. Polelo ugwe utikufimbilisigwa ukusuma abandu, ukwisa ku kigemo. Ugwe utikufimbilisigwa ukunsuma umundu yumo, isaga ukulondalonda na bala aba bali ku kigemo. Ena. I—i—i findu itolo pafyēne fikusululuka, panongwa yakuti Ikyene kifūngígwe mwa ugwe. Ugwe gwe kīyabo kya Kyala. Ugwe ufūngígwe na Mbepo Mwikemo.

Lilino ngimba umwe mumenye fiki “u Mbepo Mwikemo” ikusanusya?

²⁵⁷ Ikyene kitikusanusya, “Une nānyelīle mmwanya nu kulalata. Une nali nu bwipilike ubuhesya.” Fila fili kanunu. Une nyēlīle mmwanya kangu njwēgīle, kangu nāli nu bwipilike ubuhēsya. “Une njobile mu ndimi.” Une ngwitika u Mbepo Mwikemo ikuyoba mu ndimi. Naloliloli. “Une nsanwísye.” Ena, nkulumba. Une ngwitika ikyo, nīne. Lōli ikyo kikaya Ikyēne. Ikyo kikaya iki une nguyobapo. Pabagile ukuyapo ukusulula pamwanya apa pabuyobumo. Pabagile ukuyapo ukusulula *apa*, mu bufīndang’oma bwāko.

²⁵⁸ Unko umunduyumo akukome ugwe pa lubafu lumu, i kisyo, ngimba ugwe kusanusya ulūngi lūla? Lōli ugwe kuyoba, “Yula

unsyōbi ubwāpufu!” Polelo kulipo u kusulula, pabuyobumo, busōkile. Uswe kinunupo tuleke ikyo pakyēne. Umma ndaga. Loli umwe mumenye iki une ngusanusya.

²⁵⁹ Lōli akabalilo kāko ugwe ufūngiligwe mu Mbili gwa Kristi, polelo ugwe gwe mwisusigwe-na-Mbepo, kangi ugwe gwe mwanundumiana gwa Kyala.

²⁶⁰ O, une ngunyonywa une nāli na maminiti ukufwana kalongo, ukubala ikindukimo apa. [Ikilundilo kikuyoba, “Kindililaga. Bala ikyene, nkundwe.”—Nsimbi.] Lōli ngimba umwe mubagile ukwikāsya na une amaminiti kalongo? [“Ena.”] Une ngulonda ukubala ikindukimo, itolo pakayabo kanini. Lilino, nubwanalolindumbula, indima sitisakupyuguyilāga. Une ngubasisimikisya umwe itolo, muketile, linga uswe itolo tukubalaga itolo iki ku maminiti manandi. Ikyene kyo itolo kinunu fiyo ukukileka. Une itolo ndi ni findu fibili apa, itolo ngwisa pa minogono gangu, ifi une ngulonda ukuyoba.

²⁶¹ Unko uswe tusanukile kwa Mwikemo Yohani, untu gwa 3, ukuyoba isya Bumi Bwasyepwa. Unko uswe itolo tusyāgānie iki Ikyēne kikuyoba apa isya lutamio Lwasyēpwa ulu, u Būmi bwa Kyala. Lilino, lilino kētēsya apa.

Aalipo unnyambala gwa baFarisai, ugwangamu Nikodemu, undagili gwa baYuda:

Yulayula ālisile polelo kwa Yeso nkilo, kangi alinkuyoba ku mwene, Rabi, uswe tumenye ukuti ugwe gwe mmanyisi gwisile ukufuma kwa Kyala: . . . nayumo umundu abagile ukubomba ifika ifi. . . pene papo Kyala ayege na yumwene.

²⁶² Lilino, abēne, bala abalōngi ba Sanhedrini, abēne bāsyāgēnie ukuti Umwēne āli Mwāna gwa Kyala. Abēne bakimēnye ikyēne. Apa ālipo undagili gwābo papapa apa, ukumbūla Umwēne, “Uswe tumenye ukuti Ugwe gwe Mmanyisi gwisile ukufuma kwa Kyala, panongwa yakuti u Bumi bulabula ubwa Kyala bukusululuka ukwisila mwa Ugwe.” Muketile? “Uswe tumenye ukuti Ukumanyisya Kwāko bukaya bwa Ugwe Gwimwēne mma. Ubwēne bo bwa Kyala, panongwa yakuti Kyala ikusimikisya Ikyēne.” Muketile? “U Būmi bwa Kyala bukwēndelēla mulamula ukukilania Ugwe.” Lilino kētēsya.

Yeso alinkwamula kangi alinkuyoba ku mwene, Naloliloli, . . . Une nguyoba kwa ugwe, Pēne papo u mundu apapigwege kangi, umwene akabagile ukuketa i kitangalala kya Kyala.

²⁶³ O, mwe! “Pene papo ugwe kwingila nkipanga kyangu?” O! Kēta mumo abene bikutwalila Ikyene panja? Muketile? Muketile?

Yeso, polelo Yeso alinkwamula, Naloliloli, naloliloli, une nguyoba kwa ugwe, Pēne papo u mundu

apapigwege mwa misi kangi... Mbepo, umwene akabagila ukwingila mu kitangalala kya Kyala.

Ukuti iki kyo kipāpīgwe ukufuma mu... mbili go mbili; kangi kila iki kyo kipāpīgwe ukufuma mwa... Mbepo yo mbepo.

Ukuswīga mma ukuti Une nguyoba kwa ugwe, Ugwe kufimbilisigwa ukupāpīgwa kabubili.

U mbelo gukupūta kūko ugwēne gukulōnda... Muketile, kulakula kunyuma kāngi, muketile, ukugomokela, muketile.

U mbelo gukupūta kūko ugwēne gukulōnda... ugwe ukabagila ukupilika a kōgo... ubagile ukupilika a kōgo ka mula, lōli ubagile mma ukuyoba ukufuma kūgu ugwēne gukwīsa, pāmo kūko ugwēne gukubūka: momūmo yo aligwēsa... yo apāpīgwe mwa Mbepo.

Nikodemu alinkwamula kangi alinkuyoba ku mwene, Ngimba ifindu ifi fikuyaga bulebule?

Yeso alinkwamula kangi alinkuyoba ku mwene, Ngimba ugwe gwe fundi gwa Israeli, kangi ukamanya mma ifindu ifi?

264 Kēta kula, nkūdwe, u—u D.D., Ph.D., babili-ba-L.D., muketile, “Kangi ukamanya mma ifindu ifi?”

Naloliloli... Une nguyoba kwa ugwe, Uswe tukuyoba ifi uswe tumenye, kangi tukuyobela kila iki uswe tukētīle; kangi umwe mutikwāmbilila mma ubukēti bwītu.

265 “Uswe tumenye ifindu ifi. Uswe tufibwene ifyēne. Uswe tumenye Ikyene, kangi umwe mutikumwambilila nukwāmbilila mma ubukēti bwītu.” Bingila-kipanga! Muketile?

Linga une mbabūlile umwe ifindu ifyapakisu, kangi umwe mutikwitika, ngimba umwe mukwitikaga bulebule, linga une ngubabūla umwe... ifindu fyakumwanya?

266 Lilino pilikisya ku iki apa. Kētésya.

Kangi nayumo u mūndu atalile afyūkile mmwanya ku mwānya, lōli umwēne uyu āsulwike pāsi ukufuma ku mwanya, yōpe u Mwanundumiana gwa mūndu uyu ali ku mwanya.

267 Inogonela kila mōsa.

268 Umwe mumenye, akabalilo kamo, Umwēne āyobīle, “Ngimba mukwīnogona fiki ifya Kristi? Ngimba yo Mwanundumiana Gwaywāni Umwēne?”

Abene balinkuti, “U Mwanundumiana gwa Davidi.”

269 Umwēne alinkuti, “Polelo nongwa ya fiki Davidi, mwa Mbepo, ikuyoba ku Mwēne, ‘U Ntwa ayobile kwa Ntwa gwāngu, “Itūgāsya Ugwe pa kiboko Kyāngu ikililo”’? Ngimba Umwēne abagīle ukuya bulebule Ntwa Gwāke nu Mwanundumiana Gwāke?” Nayumo umūndu ālindālūsīsyē Umwēne kalikōsa akangi.

270 Mu Busetuli, Umwene āyobile, “Une ne Nsisi kangi u Luyungu lwa Davidi.” Muketile? “Une ne Mpesa kangi u Lusamba. Une ne bwāndīlo. Une nāli bo ubwāndilo bukālī. Une nāli bwāndīlo, kangi—kangi une nāli Kimela kya Mwēne, nīne.”

271 Lilino, apa Umwene aayobile, “Nayumo umundu isile ukufuma ku Mwanya, loli u Mwanundumiana gwa mundu uyu lilino ali ku Mwanya.”

272 Unkīkūlu ālindālūsīsyē une, akabalilo kamo, ililālūsyo. Une ndinkuti, “Amula limo ili kwa une.”

Alinkuti, “Ywāni yūyo Yeso iputaga ngako, mu ngunda gwa Getisemani?”

273 Une ndinkuti, “Yo ywani Umwene āyobaga ngapo akabalilo kako Umwene ayobege, ‘Nayumo u mūndu afyūkile ku Mwānya, lōli Umwēne uyu āsulwīke pāsī ukufuma ku Mwānya, yōpe u Mwanundumiana gwa mundu uyu ali mu . . . uyu lilino ali ku Mwanya?’ Ywani?”

274 Apa Umwene alipo, imile papapa apa pa mwanya pa nyumba, ikuyoba ku Nikodemu, nukuti, “Une ndi ku Mwanya.” Uko kutalusya? Unko uswe tukileke ikyo mpaka ikilo iki. Ngimba ugwe kuyoba fiki? [Ikilundilo kikuyoba, “Ameni.”—Nsimbi.] Ukwene kukwisa ukuya kwilile fiyo. O, mwe! Unko umwe inogonaga pa ikyo pakabalilo kanini, pamusi apa.

275 Ngimba ugwe kufika bulebule mu Kipanga? [Ikilundilo kikuyoba, “Apāpīgwe.”—Nsimbi.] Kupāpīgwa. Bule? Ubutuyo bwa Kyala.

Tuya pa une, tuya pa une;
Mbepo gwa Kyala gwabumi, tuya pa une.

276 Ulo lo lwīpūto lwāngu: itolo unko u Mbepo Mwikemo atūye. O, mwe! Panongwa ya, Butuyo bwa Kyala, ngimba Ikyene kyo fiki? Ukufūngiligwa mōsa mu Kitangalala kya Kyala, mmenye ikyo, akabalilo kāko une ikyākwānda nalātīle, une ngwitika Yeso Kristi. Ena.

Polelo, ku Lwītīko lwāngu, une ngōngelélapo ulwīfimbilīsyo, ulwīfimbilīsyo lwabunyakyala.

Polelo ku lwīfimbilīsyo lwāngu, une ngōngelēla ubumanyi bwa Lisyu.

277 Ku bumanyo bwāng, une ngōngelelāpo ubufisalyōyo, ukwīkōla. Une nkiganile ikyo. “Ikisu kyāngu ikyēne kyo kyāko,

fwĩkakolona umoyo gwāngu bu bwikòle, ukufuma ku nyānja ukubuku ku nyānja imulike.” Muketile?

278 Ubufindang’oma. O, mwe! Ukugeligwa. Komma umwe ukupasya; Sētāno ikubala ifyene kuli umwe. Une ngufyuka pa mafyūkilo lilino. Muketile? Une nōngelile ulwifimbilísyo, ubumanyi, ubufisalyōyo, lilino une ngufimbilisigwa ukongelēla ubufindang’oma. Une ngāli ngayanagwe u Mbepo Mwikemo.

279 Polelo ukufuma apo une ngōngelēla ubufindang’oma, une ngōngelēla ubunyakyala. Umwe mumenye iki kili? Bo yu Kyala. Une ngōngelēla ikyo. Komma ukusitakwíkòla mwībène. Bukaga ngati nnyāmbàla Gwakikristi abagile ukubōmba. Unko ikyo kilingayaga kyakubĩkapo-itolo. Ikindukimo mwa une, u lugano lwa Kyala, itolo bo mumo. Muketile? Muketile? Komma ukuyoba, “Uu-uu-uu, ndumiana, une mbagile ukubōmba ikyēne, lōli lumo une kinunupo mma.” Muketile? Huu-uu. Huu-uu. Ikyēne kili pala, mulimosa.

280 Ikyene kyo Bupapigwe. Une nāli mbāpigwe mu *iki*, mu *iki*, mu *iki*, mu *iki*, mu *iki*, mu *iki*. Kangi polelo u lugano lwa Kyala, Kristi, lukusuluka pási nukufunga fyosa ifi mosa mwa une, ku bubombelo. Muketile?

281 Polelo ngimba Umwene ikubomba fiki akabalilo kako Umwene ikumbapo une u Mbepo Mwikemo? Umwēne ikukubĩka ugwe pānja mbuyo ubupāgūlano kwa gwĩmwēne, ikungw’āla ugwe. Muketile? Ugwe gwe mūndu unkīndāne akabalilo kala. Ugwe ukaya gwa kīsu mma, kangi mma. Muketile? Ugwe ufwĩkigwe nkīndāne. Ugwe kufwāla mbukīndāne. Komma ukufwāla kwa pānja uku. Umma, umma. Ugwe utikulōndigwa ukuya nkīndāne kangi gwākuswīgĩsya, kangi i kōlala yisyūmbitusigwe ukusyūngutīla, kangi ulusekelo ulutali ngati. Umma, umma. Ugwe utikubomba ikyo mma. Ugwe kufwāla, mumbili, bo ulu. Ukwēne ko kufwāla kwāmwambepo kũko kukubāligwa. Umwēnda gwa bwēgi gubĩkigwe pa ugwe. Ngimba ugwe gwe fiki?

282 Bo yu Yeso, ketesya, Umwene ākupililígwe, kangi Umwene ālyāndulígwe pala pankyeni pabo, kangi imyenda Gyake gilinkumulika bo lisuba. Pala Umwene āli, Yeso, Kyala ikubika u Mwanundumiana Gwake Mwene. Muketile? Kangi polelo pala alinkwisa Mōse. Polelo pala ikwisa Eliya. Kangi Peteri alinkuti, “Umwe mumenye, ikyene kyo—ikyene kyo kindu kinunu ukuya apa.” Kéta mumo u mūndu ikufika? Ena. O, ikikindafipeligwa kibōmbígwe! Alinkuti, “Unko uswe tuyēnge ifitēmbē fitatu. Unko uswe tuyenge kimo kuli Mōse, kangi kimokyene kuli Eliya, kangi kimo kuli Ugwe.”

283 Kangi bo umwene akāli ukwisa ukukinda ukuyoba, Kyala itolo alinkwigala ikindu kyosa, alinkuti, “Uyu yo Mwanundumiana Gwangu unganigwa. Mu findu fyōsa ifi Une nālōndāga ukufuma kwa Mōsa, nukubĩka u lulagilo

pänja ukwisila mwa Mōse; u bugolofu ukwisila mu basololi; Umwene afwänikisye i kyene kyosa. Mpilika umwe Umwene. Une nisakusōkapo pa kibonekelo lilino. Mpilika itolo Umwene. Mpilika itolo Umwene.” O, mwe! Kyo kindu kimogi nki!

²⁸⁴ Polelo, akabalilo kako uswe tufwanikisye imbagililo isi, nukuya twīswile ni fimbilisyo sya Kyala ni findu fya Kyala, polelo u Mbepo Mwikemo ikusuluka pási nukufunga uswe mu Kitangalala. Komma ukupasya. Aligwesa isakumanya ugwe uli nagwe Umwēne. Ugwe utikufimbilisigwa ukuyoba, “Ena, lwimiko kwa Kyala, une mmenye une ndinakyo Ikyēne. Une njobile mu ndimi. Lwimiko kwa Kyala, une mmenye Une ndinakyo Ikyene. Une nāmogile mwa Mbepo akabalilo kamo.” Ugwe utikufimbilisigwa ukuyoba i lisyu ukufwana ni kyene. Aligwesa isakumanyaga ugwe uli nakyo Ikyene. Komma ugwe ukupasya. Ena. Ikyene kisakubíkila ubukēti ku Kyēne. Umwene isakwītikisyága ikyēne kimanyígwege pakati pa bāndu.

²⁸⁵ Kyala abasaye umwe. Nhobwike fiyo ukuya apa na umwe ulubunju ulu, ukuya na kabalilo aka ka bulīlanisi. Pilikisya, ikipanga kytu ikinini kyo kinini, kangī palema uswe tukaya nabo ubuyo ubwakufwana ku bandu aba bikwisa apa. Uswe tukaya kipānganio. Uswe tukwītika nukuya nu bulilanisi ni kipānganio kilikyōsa. Ugwe itolo isaga kuno panongwa yakutī ugwe kulonda ukwisa. Kangī ugwe, uswe tukuganile ugwe. Kangī uswe tukulonda ikibugutula kilikyosa, umundu aligwesa . . .

²⁸⁶ Une ngwītika ukuti baliko a bāndu mu fyōsa fila ifipānganio bo Bakristi. Abēne bo bakundwe na bakalumbu mwa Kristi.

²⁸⁷ Popāpo, polelo, uswe tukaya nifyākupinya mma, nakimo ukwingila, nakimo ikyākubōmba lōli itolo ukuya Nkristi. Bo yu E. Howard Cadle ālisibīle ukuyoba, “Uswe tukaya nu lulagilo lōli u lugāno, kisita būku lōli i Bāngéli, kisita kimanyisyo lōli Kristi.” Uko ko kotalusya. Isaga kangī yātilāga na uswe. Uswe tusāngalwīke ukubōmba. Uswe tukwitika i Nongwainunu yōsa, akayabo kalikosa ka Lisyu. Uswe tukwitika itolo katikati mu njila. Uswe tutukōngelelāko ikindu kimokyene ku Kyene, ukwega kilikyosa ukufuma ku Kyene, ukōngelēla i findu fyakipāngānio filikyosa ku Kyene. Uswe tukulileka itolo Ilyene mu njila iyi Ilyene liyīlile. Ikyo kyo ikyene. Kangī uswe akabalilo kosa tukusangaluka ukubāmbilila umwe. Ugwe gweisa kangī yaga na uswe akabalilo kāko ugwe ubagile. Uswe tukwiputula ababine. Uswe tukwitika kilikyosa i Bāngéli likuyoba bomba. Uswe “tukwībwa ubōnywa bwītu, kunyuma, kangī uswe tukugutula nkyēni kubwa bungw’ale bwa Bubilikigwe ubwapamwanya.”

²⁸⁸ Lilino, ikindu kimokyene ikyakōngelelāpo. Ngimba umwe mwisakwitikisya ikyene ukuti kiyobigwege? Lisiku lya pakiyolo ndubunju . . . Umwe mwisakukētésya pa—pa kibolodi panja

pala, imboniboni. Une nāli ni mboniboni. Iyene yali sala ya buhano pa koloko, bo mūmo nkasi gwangu kunyuma kula amēnye, pamo ntāndatu. Une nāli māsō. Uswe twāsumwike ukwakwēga a bāna ukwītēdekesya ukubūka ku sukulu.

²⁸⁹ Une ndinabo itolo ifi, lilino kangi polelo. Kangi umwe mwesa mumenye, aligwesa gwa umwe apa, ukuti abene batikutologwa. Abēne, abēne bo naloliloli bapelelesye. Muketile? Abēne batikutoligwamo siku.

²⁹⁰ Kangi une ndinkwinogona ukuti une naali mundu unsangalufu ukukinda bosa uyu une ngetilemo siku. Une nālīmīle mu lisuba, l-i-s-u-b-a, kangī nāli—kāngī nālūmbililāga i Nongwainunu ku kinywāmu, ikilūndilo ikikulumba.

²⁹¹ [Nkundwe Branham ikwīma—Nsimbi.] Une itolo nalondaga ukuketa linga ikyene kikubīkigwa pa tepi.

²⁹² I—i kinywāmu, ikilūndilo ikikulumba, kangī abēne bītugasyāga mmatēngēle. Kangi imuli sya lisbuba syāmulikaga pāsī pa bēne, itolo *apa* na *apo*, bikupilikisya Ilyēne, bikupilikisya i Lisyu.

²⁹³ Kangi une ne, bo bwīla, akabalilo kōsa nubutali fiyo, ngukābila fiyo, ukulūmbilila nubutali fiyo. Kangi une nālūmbilile nubutali fiyo, mpaka i kilūndilo kilinkuya ninjāla kuli ikyākulya kyāmbili. Kangi abēne, bamo mwa bēne, balinkuya bakatale. Popāpo abēne itolo balinkunyamuka mmwanya, balinkubūka pānja ukwakwīyāgila bēne ikyākulya kimo, balinkwanda ukubūka kāngī.

Une ndinkuti, “Komma. Komma.”

²⁹⁴ Une nāli nu bunosye bubili une nālōndāga ukufikapo, une nālōndāga ukufikapo, mu bulūmbilili bwāngu. Kangi u Ntwa akipele ikyene kwa une. Kangi undumbilili aligwesa amenye, akabalilo kako ugwe naloliloli kumanya ukuti ikyene yo Kyala akupele ikyene kwa ugwe, ugwe itolo kupya ukubabūla abāndu.

²⁹⁵ Kangi une itolo nālūmbililāga, Charlie, itolo nukwīyūla mūmo une nābagile ukulūmbilila, itolo ukukilāmbalika ikyēne nkyēni, umwe mumenye, nukuyoba, “Fyōsa ifindu ifi ifikulumba, *iki* kikyō Kyala ikubōmba. Keta *iki*. Umwene ikumanyilanganila aminogono ga ndumbula. Ikyene kyo fiki? I Lisyu.” Kangi bukaga bo lula. Kangi, o, une ngunyonywa une nābagile ukukumbukila iki une nābagile ukuyoba na iki untu gwāngu gwāli. Une ngabagila ukwinogona isya ikyene. Muketile? Loli une nalumbililaga itolo ukukīndilila.

²⁹⁶ Kangi une nīkētēsyaāga nīmwenē ukubōmba ikyēne. Kangi polelo akabalilo kāko une nālīmīle pala, ngukētēsya, nukwīkētēsya nīmwenē ngulūmbilila i Lyēne.

²⁹⁷ Kangi une itolo nālūmbililāga, ku-bābo-āngali-batikuya-ni-kyēne. Kangi ukukinda panandi, une ndinkufyuka, umwe

mumenye, kangi une ndinkwinogona, “Lwimiko kwa Kyalala!” Une ndinkuti, “Keta i findu ifiswigisye ifi, kangi *ifi, fila!*”

²⁹⁸ Nukutalula, une ndinkukētésya abāndu bikwānda ukufika ngati abēne bāli ni njala mumbili. Kangi polelo abene bāli ni fyāmwambepo ukufwāna, polelo abene balinkwānda ukusōkāpo. Kangi bamo mwa bene [Nkundwe Branham ikwāgùl’umwāgo—Nsimbi.] alinkwanda ukusōkapo.

Une ndinkwinogona, “Ngimba kitamisye fiki na aligwesa?”

²⁹⁹ Kangi—kangi une ndikukēta, kangi apa bamo abēgi abakeke bikūbūka mula, ku lubafu lwāngu. Une ndinkwinogona . . . Une ndinkuti, “Gulila panandi, mwinangu! Itolo i miniti! Umwe mukwisakugomokelāga kangi akabalilo kāko imisyūngulu gya namayolo gikugwa.” Muketile? Une ndinkuti, “Umwe mwisakugomokelāga kangi. Loli unko une mbape umwe ubunosye ubwākūwānda ubu. Ngimba ko kūgu kūko i findu fyosa ifi fifumile, ifi une mbanāngisye umwe? Ngimba ifyene fifumile kugu?” Une ndinkuti, “Apa ifyene fili. Ifyene fili mu Lisyu lya Kyalala. Ifyene fyo ISI SYO IKUTI UNTWA, ulufingo Lwake. Panongwa yakuti,” une ndinkuti, “mwesa ba umwe mbikila une ubuketi, bik’ubukēti pa iki, ukuti ubutumigwa bwāngu bo, ‘Syalaga ni Lisyu.’” Une ndinkuti, “Ngimba kitamisye fiki na mwēsa ba umwe? Ngimba umwe mukabagila ukupilikisya i Lisyu? Umwe mukufimbilisigwa ukupilikisya Ilyēne.”

³⁰⁰ Kangi bamo mwa bene balinkuti, “Mundu, une ngulonda ukuya ni fisyesye fimo,” kangi polelo bo ulo.

³⁰¹ Ena, une itolo ndinkwinogona, “Ena, lwimiko kwa Kyalala! Linga abene bikulonda utusyesye, baleke abene babukege bakēgēge utwēne.”

³⁰² Polelo une—une ndinkusyumbutuka. Une ndinkwinogona, “O, loli, umwe mumenye fiki? Imisyungulu gikugwilaga, linga kakindilepo akabalilo, palapala itolo.” Une ndinkuti, “Polelo, ikilo iki, akabalilo kāko ikilundilo kila kikubūngania kangi, une ngwisakubikāga ubunoge ku bēne, nukubabula abene ukuti ifindu ifi abene bambwene une ngubōmba fyo fikwagigwa mu Lisyu lya Kyalala, komma mwa būku yumo gwāsyāmbutitu pamo ikipāngānio kimo. Ikyēne kyo kikwāgigwa mu Lisyu. Muketile? Akayabo kalikosa ka ikylene, mu Lisyu, panongwa yakuti une ndumigwe ku Ikyo.”

³⁰³ Une ndinkwinogona, “Ugwe umenye, abene bisakubombaga, aligwesa, ukugomokela ikilo iki, polelo iki kyo iki une ngubombaga. Une nīsa kwāla, luko lwa kwāla.” Umwe mumenye mūmo une ngubōmbēla ikyēne pa ngulilo sya kipanga isi ni findu, ukuyoba iki une njobile pitāsi. “Une nīsa kwāla ikyēne, pa Lisyu, kangi polelo ubu ubukulumba, ubunoge ubuswīgīsye.” Une ndinkuti, “Ko kabalilo kaki ukwene kwisakuyaga! Ulutufyo luyege kwa Kyalala!” Kangi une ndinkwibona nimwene ngwisa ukuya nalōli nnini, kangi ndinkupilika ukuti, “Lutufyo luyege

kwa Kyala.” Une ndinkwibona nimwene ngusimilila bo *ulo*. Kangi apa une nālipo, nimile pala.

³⁰⁴ Lilino, apa lulipo ulusanusyo ukufuma mula. Muketile? Ikindu kyakwanda iki une mbombile, i findu ifi fibōmbígwe, fyambutitu ku bandu, bingi ba abene. Une ndikusanusya aba Full Gospel na bikemo ba Kyala, lōli, une ngusanusya, mu bandu bingi. Kangi ugwe nasiku kulonda ukukéta ku kisu, kosmos, ukuya Ndumi ya Kyala. Akabalilo káko ugwe kubuka nukuyoba. . .

³⁰⁵ Mūmo Boze āyobile, “Une mbōmbile bwīla. . .” Alinkuti, “Une nāli ni njosi, ifyinja ifi fikindilepo, ukuti u—u Kyala ābagīle ukunduma une ku Chicago nukusenyenda u Chicago kuli u lwimiko lwa Kyala.”

Une ndinkuti, “Yosefu, Umwene atalile abombile ikylene.”

“Fiki,” umwene alinkuti, “abene basenyēndìgwe ukufuma Moody.”

³⁰⁶ Une ndinkuti, “Ikyo? Une nguyoba isya Kipanga. Ikyo kyo mīndu panja pala. Ulo lo itolo lufūmbi lwa kisu, ikipāmbō kila kikulwīlanīla ukukīnda mu ngīndi, a baYesebeli abapakigw’ilāngi na filifyōsa.” Une ndinkuti, “Bala bo pānja pala. Fila ifinywāmu ifyaiyolo ifyakugonelamo ni findu fisakubongotoka nukugwa mu ngīndi kula.” Une ndinkuti, “Umwene ikuyoba isya Kipanga. I Kipanga iki kibwene ubusetuli bwa Yeso Kristi buboneseligwe pabwelu, kangi abene bikukibona Ikyene. Abēne bakabagīla ukuya kalongo-nabahano ukufuma mu Chicago. Pala lumo patikuyaga kalongo mu ngulilo iyi, ukufuma pa kāya kosa ka Chicago, ukusōka panja.”

³⁰⁷ Ngimba umwe mwinogonilēmo siku isya ikyo? “Mumo ukwene kwayilile mmasiku ga Noa, momumo ukwene kwisakuyilaga pa Kwisa kwa Mwanundumiana gwa mundu, kuko imyoyo lwele gyāpokigwe.” Aa-ha. Balinga basookaga ukufuma mu Sodomu? Muketile ifi une ngusanusya? Une ngwilamwa ukuya kiboko. Muketile?

³⁰⁸ Lōli i Kipanga Kyēne kikwāmbilīla ukusenyendeka. Abēne bakyāgénie ikyēne. Abēne bāmenye i Lisyu. Abēne bālibwēne i Lisyu akabalilo káko Ilyēne lyāpalamasigwāga, kangi abēne bālikōlīle Ilyēne. Lilino kēta ikyo ku miniti limo, lilino.

³⁰⁹ Kangi i Ndumi ya kwanda iyi, akabalilo kako abene babagile ukuketa Ilyene, aligwesa akōngesisyē kuli Yene, alinkuti, “O, lwimiko kwa Kyala! O, linga une nābagīle ukukéta *iki, kila*, kangi i *kingi*.” Kangi abēne bikusōkápo itolo, injila yilayila abēne bikwīsa mula. Muketile?

³¹⁰ Kangi lilino abēne bikwīnogona, “Ena, une ngamanya. Ngimba ugwe kwingililaga kugu? Linga une ndikwisa ku *iki*, ikylene kikuyaga injila *iyi*. Kangi une nisakusōsigwa panja,

ukukilania apa, kang'i une ndisakuya nako nakamo mpaka *apa*." Bakundwe ukwitugasya pási nukuyoba, "Ena, ngimba une ngubombaga fiki linga une...?" Muketile pala? Abène batisakwíma akabalilo katali ukufwána ukusyágania Ilyène lyo Lisyu ili Kyala áfingile, ukuya lisabonesigwe pabwelu. Muketile? Kang'i abène balinkwénda ukusókápo.

³¹¹ Loli, komma ukupasya, imisyungúlu gili kifuki pa kiboko, muketile, akabalilo kako une ngugomokela ku ngunda.

³¹² Umwe mukukumbukila, ikilo kimo, ikya Ndumi iyi Umwène álimbele une kunyuma kula akabalilo káko une nálambalikága ibwe lyapanguto? Katikati itolo. Alinkuti, "Bóm̄ba imbombo..." Alinkuti, "Akabalilo káko ugwe kusóka panja pa mboniboni iyi, bala Timoti Gwakibili 4." Umwe mumenye, ikyéne kilámbaléle palapala pala mu ibwe lyapanguto, ifyínja malongo-matatu-na-fitatu ifi fikíndilépo.

³¹³ Alinkuti, "Bomba imbombo ya mbangéli, tendeka ubusisimikisye bosa ubwa butumigwe bwako. Kabuno akabalilo kakwisaga akabalilo kako abene batisa kwikasyaga i Kimanyisyo ikinunu; lóli ukukóngá ifinyonywo fyábo béne bisakwílúndikíla abamanyisi, ukuya nimbulukutu inyegéle; syumbutuka ukufuma ku tupāngo...ukufuma ku Bwānalóli ukubúka ku tupāngo." Linga ikyo kikaya, itolo lisyu ni lisyu! [Ubuyo busitakandu pa tepi—Nsimbi.]

³¹⁴ Loli, kumbukilaga, polelo, ikilo ikingi, akabalilo kako une ngabalilém̄o siku ifisyále ifya ikylene. Ifyínja malongo matatuníkindukimo ifi une ndumbilíle nkipānga iki, nasiku akabalilo kámo une nábúkilém̄o siku ukukíndapo ukukínda pala, kang'i une ngamanya yo nongwa ya fiki.

³¹⁵ Une kingikingi nguswiga, mpaka, ilisiku limo, une nálimbwene kúko Yeso ápímbíle Ikinimbano nu kwanda ukubala, kang'i ábalíle sinda gwa busololi, kang'i álimíle, kang'i alinkuti, mula mu Kapernaum, Umwène alinkuti, "Kang'i ilisiku ili, ubusololi ubu busisimikisígwe." Nongwa ya fiki Umwène akábalíle ilisyále lya ikyéne? Ilyene likufwana nu Kwisa Kwake ukwakibili. Muketile?

³¹⁶ Kang'i pala une nábalíle ikyo, kisita kumanya. Une ndinkupimba ikyo, kang'i pala ikylene kilinkuya, itolo pankyéni pa une, ku Southern Pines, South Carolina. Ulubunju lula, nímile panja pala, nguyoba kwa Yosefu Boze, ukwigemesya ku lubafu lwa ligali, Une ndinkutika ikylene. [Nkundwe Branham ikukuba ulobe lwake—Nsimbi.] Pauli alinkuti, "Une... Abanyambala bosa basyumbutwike ukulwana na une. Akayapo unnyambala na une. Demasi ándágile une; akiganile ikísu iki ikyámwísyúgu. Kang'i une lilino..." Kéta. "Kang'i u mbyóndolokopara ámbómbíle une ulufulasyo lunywámu."

³¹⁷ Keta iki Demasi ábagíle ukufimbilisigwa ukwinogona: "Fiki, une numbwene Pauli ikulumbilila i Nongwainunu

nukubumbulusya ababine. Kangi apa umwene itugesye, ikukubilwa, mwene, ukumpimba u dokotala mula nu mwene, Luka. Akabalilo kosa umwene ikubuka, ukwega u dokotala nu mwene, u nnyambala ikulumbilila i Kyabunyakyala. Fiki, une nâlimbwene umwene ikutika u nnyambala ukuya mfwamaso. Alinkuti, ‘U Ntwa akukemele ugwe, kangi ugwe kuyaga mfwamaso ku kabalilo.’ Kangi ukundeka umbyondola-kopara ukumbopesya umwene pânja pa lukômano. Une ngusakisya umwene atâgile amaka gâke ukutika abându nu bufwamâso. Aheli, umwene atâgile amaka gâke ga bubumbulusyo Bwâkyâla. Kyala asyûmbutwike ukulwâna nu mwene.”

³¹⁸ Une ndikwînogòna Demasi âbûkîle pânja nkîsu mma, ’nongwa yakuti Demasi âli gwa i...Umwene mumênje isyambukûlu syâke. Umwene âli gwa nyumba inywamu, ingabi. Kangi umwene âlondâga ukubuka ni kilundilo kyosa.

³¹⁹ Lôli, Pauli, umpelakisa unnini Pauli. Ngimba ikyêne kyâli fiki? Kyala akabalilo kôsa ikubuleka ubutumigwe ukufika bo ulo, kangi polelo ikufwik’ingiga ikyêne.

³²⁰ Umwene alinkummwitikisya Yeso ukuya pa buyo. Kéta kula. Akabalilo kako Umwene abagiile ukusyusya abafwe, akabalilo kako Umwene abagiile ukubomba kilikyosa iki Umwene aalondaga; kangi ukûndêka u nsikali gwa kiRoma ukukwâba indefu ukufuma ku kisyo Kyake, nukufunyila nkisyo Kyâke. [Nkundwe Branham ikutêndêka akogo ka kusona—Nsimbi.] Ukutika Umwene pa...Ukubika ikifunga ukusyungutila ikisyo Kyake, kangi balinkuti, “Lilino, Ugwe umenye, abene bikumbula une Ugwe gwe Nsololi.” Bosa ba abene balinkwima ukusyungutila ni ndete, nukuntika Umwene pa ntu. [Nkundwe Branham ikutika ikindukimo.] Alinkuti, “Lilino tubula uswe uyu akutikîle Ugwe.” Umwene âmenye ukuti yo ywani ankomile Umwene. Uu-huu. Naloliloli. Umwene âbombîle. Muketile? Loli ubutumigwe Bwake bwîtendekesyaga ukufwikigwa.

³²¹ Ikyêne bwîla kikwêga u buyo bula kûko ikyêne kikuboneka ngati ikyêne kyo nalôli, nalôli kyônywa, itolo kifuki kibûkîle, polelo Kyala ikukifwîka ikyêne.

O Ntwa, itikisya ikylene kibombigwege. Unko ikylene kibombigwege, Ntwa.

Unko twinamisye imitu gyitu.

Une nunganile Umwene, une nunganile
Umwene
Panongwa yakuti Umwene ukwanda... .

Lilino mwîpûta Umwene. Uswe twâli nu kumanyisya ukukafu.

Kangi âlyûlîle ubupoki bwângu
Pa mpiki gwa Kalvari.

322 Unko uswe tufyūsye amaboko gĩtu lilino ku Mwēne.

Une . . .

Lilino yaga mwa Mbepo, muketile, “Une nunganile Umwene.”

. . . Une nunganile Umwene
Panongwa yakuti Umwene alinganile tasi une.
Kangi ālyūlīle ubupoki bwāngu
Pa mpiki gwa Kalvari.

323 Lilino, unko uswe twīme mmwanya, ku malundi gĩtu.

Mu kīmbō kītu akanini akakusātīla, uswe tukwīmba ilināndi lyākwānda, uswe tukuyaga pakuponania amaboko yumo nu yūngi; ilinandi yakibili, uswe twisakwimba ulwēne kwa Kyala. Umma ndaga. Kangi polelo uswe twisakusatisigwa.

Lilino, unko uswe twīmbe:

Ega i Ngamu ya Yesu na ugwe
Mwana wa busulumanie ni soka;
Iyene ubuhofu nu lusūbīsyo lisakukupaga
ugwe,
Ega Iyene kulikosa ugwe kubuka.
Ngamu Imbala, O yo nyafunki!
Lusubilo lwa kisu kangi buhofu bwa
Kumwanya;
Ngamu Imbala, O yo nyafunki!
Lusubilo lwa kisu . . . Kumwanya.

324 Lilino, kumbukilaga iki, lilino. Une ngunsuma unkundwe unnini, apa, uyu une nāli nagwe nkyumba amaminiti manini aga gakindilepo; u—u nkundwe unganigwa unnini, ugwamisyoni gwa Assemblies ku matengele pa mwanya apa; une ngwibwa ingamu yake yo fiki, une nguyaga pakundālusya umwēne, ukusātīsyā mu lwīpūtō mbibimbibi bo uswe tukwīmba ilināndi ilikōnge ili:

Ega i Ngamu ya Yesu na ugwe
Bo Kikingo ku kipingo kilikyōsa;
Kangi linga ingelo ukusyungutīla ugwe
sikulundana,
Itolo tuya i Ngamu Inyikemo yila ndwiputo.

325 Kētēsya imisyētāno gikusōkāpo polelo. Muketile? Lilino, kumbukilaga:

Ega i Ngamu ya Yesu na ugwe
Bo Kikingo ku kipingo kilikyōsa;
Kangi linga ingelo ukusyungutīla ugwe
sikulundana,
Itolo ima, kangi tuya i Ngamu Inyikemo yila
ndwiputo.

326 Kētésya iki kikuboneka. Umma ndaga. Twesa palikimo lilino.

Ega i Ngamu ya Yesu na ugwe
Bo Kikingo ku kipingo kilikyōsa;
Linga ingelo ukusyungutila ugwe
sikulundana, (Ngimba kubombaga fiki,
lilino?)

Itolo tuyā i Ngamu Inyikemo yila ndwiputo.

Ngamu Imbala, (Ngamu Imbala!) O bunyafu buki! (O bunyafu buki!)

Lusubilo lwa kisu kangī buhofu bwa Kumwanya;

Umpala . . . , (. . . ? . . . muketile undindwana unnini yula . . . ? . . .) O mumo bunyafu buki!
(Isaga kuno, ndumbulanyafu.)

Lusubilo lwa . . .

327 Bo umwe mwimile apa: Akabalilo kabumalikisyo une nāli pa kipanga iki, apa (U māma uyu ikūmilisya ukuseka nukusōsōla kwa mwāna.), u mwāna uyu āli mu mikēngēle. Apa akēne kalipo, kakubopa ukusyungutila apa, kakukina mbunyafu umwisyugu. Ngimba ikyo kikaya kinunu? Ntufye u Ntwa. Lilino, ketesya apa: Lūki, ugwe nyela pási nukubanangisya abene, ukukilania kula, mumo ugwe ubāgīle ukubopabopa ukusyungutila. Muketile?

O, Ngamu imbala, (Kumbukilaga, Mugonesyo ikilo iki, lilino.) . . . mumo bunyafu!

Lusubilo lwa kisu kangī buhofu bwa Kumwanya;

Ngamu Imbala, O yo nyafunki!

Lusubilo lwa kisu kangī buhofu bwa . . .

328 Lilino unko uswe twinamisye imitu gytu. Kangi kumbukilaga ingomano ikilo iki, lilino; kangi ikylene kyo kilo kya Mugonesyo. Kangi umwe mwesa mukukumbukila ikyo, umwe, mwe muli Bakristi, uswe tukubakōléla umwe ukwīsa nukwēga u Mugonesyo na uswe. Uswe tukugūlīla akabalilo akakulumba.

329 Untimi gwitu umpala, apa, Nkundwe Neville, kangī . . . Balinga banganile Nkundwe Neville? Yoba, “Ameni.” [Ikilundilo kikuyoba, “Ameni.”—Nsimbi.] Pilikisya, bakundwe, pilikisya kwa une ukuya gwīnu . . . bo yumo mwa batimi apa aba kipanga: Ibānilīla nu Nkundwe Neville. Syala nu mwene. Muketile? Umwēne yo gwambombo gwa Kristi. Itugasyaga nu mwene. I Bāngēli lyāyobile, “Unko uswe twībūnganege twībēne palikimo: kangī ikyo mbwīngī bwīngīpo bo umwe mukukēta ilisiku ilibībi ili likusegelēla.” Isaga ku ngomano, isaga; unko uswe twēnde itolo nkati nukwītūgāsya palapala kifuki nu lubafu lwa ntimi gwītu. Muketile? Ima palapala ni . . .



INGÀMU INHÈLÙLE KYA62-1104M

(Blasphemous Names)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Novembala 4, 1962, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org